

吉林紀事詩

豫章沈兆禔鈞平氏著並注

門下士方履中題箋

127190

吉林紀事詩

豫章沈鈞平夫子著並註

門下士延昌謹題

71282
133

二冊

宣統辛亥
夏六月穀
旦金陵湯
明林排印

吉林紀事詩目錄

豫章沈兆禔鈞平氏著並註

男世康校勘

卷首

凡例

圖

表

各序 題詞

卷一

發祥五首巡幸一首天文一首輿地二十首歲時風俗附四十二首

卷二

職官一

公署十四首 民政司九首 交涉司九首 提法司六首 提學司六首 度支司七首

卷三

職官二

勸業道十四首 分巡道暨府廳州縣一
首 旂務處附蒙務處九首 軍政七首

卷四

人物

金石二首 物產二十首 雜俎十九首

以上統共二百零六首

卷末

後序

跋記

勘誤表

吉林紀詩事卷首

豫章沈兆禔鈞平氏著並註

男世廉校勘

凡例

一史以紀事兼以紀言詩之爲道何莫不然在昔少陵
曾稱詩史景仰唐賢學焉未逮茲分十類彙集一編首
紀發祥次紀巡幸尊

王也三紀天文四紀輿地五紀歲時附以風俗定方位明沿革
識風土也六紀職官稽舊章考新制也七紀人物誌英
賢存勳舊也八紀金石九紀物產摭古器徵土物也十
紀雜俎又所以拾遺而補闕也出以挖揚取便諷誦加

之箋釋以省檢查

一詩及小註取材經史旁徵子集百數十種邸抄通志報告政書官私報章分別采擇惟通志告成光緒中業官報創始宣統初元中十餘年書缺有間法令政要摻以補之名家言論亦資互證

一宦績一門不復另立分籌憲政歲見奏章職掌所關經猷斯著惟善政日新勢難期限油印之本截至去秋現因排印量登重要

一署局處所舊制新章各有內容外觀難悉且非公事未便調查僅就所知紀其梗概略成拙藁分送吟壇題

詞賜序乞自名公糾謬繩愆望諸同志箋註既多容或
訛漏倘須添改祈各函知若賜題跋亦希寄示當爲登
錄藉以流傳

一交涉軍政多守秘密特別機宜時未宣布普通文件
則已通行經政所係未便闕如各紀大端以見規制

一抬寫之處限於篇幅詩則照抬註惟空格以寓敬意
免占多行應偏應小刷印易糊刻書通例在所不拘大
字直書庶較清晰

一山川疆域非圖不明沿革變通非表不備仿諸裴秀
經直緯橫本之史遷旁行斜上地理官制始有所稽列

於簡端以醒眉目

此書之體裁與前書不同其間多有

新舊

其間多有新舊之別其間多有

其間多有新舊之別其間多有

其間多有新舊之別其間多有

其間多有新舊之別其間多有

其間多有

其間多有新舊之別其間多有

其間多有新舊之別其間多有



吉林全省疆域職官簡明一覽表

地名沿革方位里數設治年月

吉林省
謹案吉林為我朝龍興地於三代為肅慎歷漢魏唐宋為元菟為勿吉為渤海女真遼為東經一十二分偏順天都察院都御史會辦鹽政大臣總督東三省兼管三省將軍事務管奉天巡撫事秩正二品駐奉天省城養廉銀三萬兩公費銀六萬兩光緒三十三年裁將軍改設

京東二千三百一十里奉天東八百一十里極高四十三度四十分七分距順天北緯三十三度五十分偏順天度經一十二分零二十七分距英國格林威治測驗所世界線東經一百二十七度三十二分

府均跨有全省明季
 達勒達等路及合蘭
 州元為開元咸平碩
 平等路肇州隆州泰
 海蘭率賓呼爾哈威
 等部及安定國金為
 鐵驪靺鞨五國伯哩
 發博羅滿達勒烏舍
 賓黃龍等府長白輝
 祥甯江長春等州率
 為凍通賓湖渤勝和
 勿吉為渤海女真遼
 漢魏唐宋為元菟為
 地於三代為肅慎歷

光緒三十三年三月
總督 陸軍部尚書銜
 都察院都御史會辦
 鹽政大臣總督東三
 省兼管三省將軍事
 務管奉天巡撫事秩
 正二品駐奉天省城
 養廉銀三萬兩公費
 銀六萬兩光緒三十
 三年裁將軍改設

巡撫 欽命陸軍
 院副都侍郎銜都察
 院副都御史會辦鹽
 政大臣銜副都統

表
 金陵湯明林

初年為訥兒千都分
 領衛所一百餘後等
 東半為野人建州等
 衛西半為海西衛之
 葉赫輝發烏拉等部
 皆郡國雜建之制
 國初則極諸東海咸
 隸版圖幅員為最廣
 咸豐八年與俄定愛
 琿之約劃烏蘇里江
 為界沿海數千里遂
 非我有十一年劃界
 定北京之約暫以圖
 們江口為界又讓地
 數千里以今之疆界
 言東界烏蘇里江與
 俄之東海濱省鄰西
 界威遠堡邊門迤西
 即奉天之開原縣境
 南界圖們江為朝鮮

銜巡撫吉林等處地
 方秩從二品駐吉林
 省城養廉銀一萬五
 千兩公費銀三萬六
 千兩光緒三十三年
 裁將軍改設

民政司
 吉林民政使秩

從二品駐省城養廉
 銀八千兩公費銀一
 萬四千四百兩光緒
 三十三年四月奏設

交涉司
 吉林交涉使秩

正三品駐省城養廉
 銀六千兩公費銀一
 萬二千兩光緒三十
 三年四月奏設

提法司
 吉林提法使秩

北咸鏡道北界以松
 花江爲吉長嶺子界
 限東南至長嶺子界
 牌舊爲金之率賓路
 西南劃自長白山之
 老龍岡與奉天之長
 白海龍二府接壤東
 北至烏蘇里混同兩
 江口鄰俄之阿穆爾
 省西北接奉天之昌
 圖洮南二府內蒙
 古哲里木盟東西廣
 二千四百里南北袤
 一千八百里光緒三
 十三年春改建行省
 以來歷次升改析併
 截至宣統二年冬計
 府十一直隸州一
 隸廳同撫民同
 知一分防同知二撫

正三品駐省城養廉
 銀六千兩公費銀一
 萬二千兩光緒三十
 二年奏設又三十三
 年四月奏設各級審
 判檢察等廳廳丞廳
 長以下各官迄今尙
 未設齊又有管獄官

提學司

吉林提學使

正三品養廉銀四千
 兩公費銀一萬二千
 兩光緒三十
 二年奏設

度支司

吉林度支使

從三品駐省城養廉
 銀六千兩公費銀二
 萬四千兩光緒三十

民通判一州一設治
 州一緩設州一緩設縣十
 三設治縣五緩設縣
 二分防州同防分防
 府分防一州分防
 三分防主簿一分防
 於西南西北東南東
 北四路道此外尚
 府經歷兼司獄四巡
 檢兼司獄十二吏目
 一典史一教授三教
 諭三訓導六提法司
 管獄官一度支司管
 庫官一

西南路
 巡道駐長春
 轄兩府一直

隸州一
 州七縣

京東二千零七十里
 省西二百四十里
 北極高四十三度四
 十六分距吉林南緯
 一十六分距天北緯
 五十一分偏吉林
 度五十一分偏吉林

西南路道
 分巡吉林
 備道兼管長春關稅
 加參領銜秩正四品
 養廉銀三千兩公費
 銀一萬二千兩光緒

三年四月奏設
 有管庫官一

勸業道
 吉林勸業道
 秩正四品駐
 省城養廉銀三千兩
 公費銀九千六百兩
 光緒三十三年裁吉
 林分巡吉阿伯道兼
 按察使銜缺
 奏請改設

吉林府

原名永吉州
以理事同知

升改東界敦化西界
雙陽南界樺甸北界
舒蘭

濛江州

由吉林之濛
江分設治珠

子河北岸濛江口東
界奉天之撫松西界
奉天之輝南通化南
界奉天之臨江北界
樺甸

西經一度四十九分
偏順天東經八度三分
十八分距英國格林
威治測驗所世界
線一百二十五
度四十三分

省城

省西南三百六十里

三十三年設長春道
宣統元年奏改今名
二年春經
部覆准

知府秩從四
品餘做此
光緒八年

知州秩從五
品餘做此
光緒三十三年

吉林府志卷之六

金陵湯明林

磐石縣

以磨盤山得名治永安屯

省西南三百五十里

知縣秩正七品餘做此

光緒二十八年

東界濛江西界伊通南界樺甸及奉天之海龍北界吉林長春

樺甸縣

原名樺皮甸子原勘縣治

省東南二百七十里

知縣

光緒三十四年

在樺樹林現移駐官街係析吉林磐石敦化縣地添設東界敦化及奉天之安圖西北界吉林及長春

舒蘭縣

由吉林之舒蘭站分設東

省北一百一十里

設治委員宣統元年

界五常西界磐石南界吉林北界德惠

雙陽縣

由吉林之雙陽河分設東

省西二百一十里

知縣宣統二年

吉林長春

界吉林西北界伊通南

伊通直隸州 以伊通河得名

光緒八年由分防巡

檢升州宣統元年升

直隸州又州西迤北

九十五里赫爾蘇邊

門設有分防州同計

州境東界磐石西界

蒙古郭爾羅斯前旂

南界奉天之西豐北

界長

春

長春府 治寬城借蒙

前旂地設治由撫民

通判升改東界吉林

西界奉天之懷德南

界伊通北界德惠

省西南二百八十里

省西二百四十里

直隸州知州秩正五品餘倣此宣統元年

赫爾蘇分防州同光緒二十八年

知府光緒十五年

農安縣

由長春之農
安分防照磨

省西北三百八十里

知縣

光緒十五年

升改即遼金之黃龍
府治東界榆樹西界
長嶺南界長春新城
北界長嶺及郭爾羅
斯前

德惠縣

治大房身在
長春北二百

省西北三百六十里

知縣

宣統二年

二十里由長春之懷
德沐惠二鄉及夾荒
地分設東界松花江
沿西界伊通河南界
長春北界
伊通河

長嶺縣

原名長嶺子
由農安及續

省西北一百一十里

知縣

光緒三十三年

放蒙荒地分設又縣
南新安鎮先設有分

知縣

新安鎮分防主簿
光緒三十年

防主簿計縣境東界
 農安西界郭爾羅斯
 前旂南界奉天之
 奉化北界新城

西北路 巡道駐哈爾濱俄暫租界

及濱江廳轄四府一
 直隸廳一廳兩縣

濱江廳 本雙城府地
 光緒三十三年

年設江防廳宣統元
 年改分防所轄傅家

京東二千八百數十
 里省北五百八十五
 距北極高四十五度
 五十二分距吉林北
 緯二度二分距北
 順天北緯六度四分
 分偏吉林東經一十
 一度五分距英國格
 林威治測驗所世
 中線一百二十八度
 十分

省北五百
 八十里

西北路道 分巡吉林

備道兼管濱江關稅
 及商埠交涉事宜加
 參領銜秩正四品宣
 統元年設濱江道旋
 奏改今名二年
 春經部覆准

分防同知
 宣統元年

吉林巴爾虎

表

五

金陵湯明材

甸四家子兩處地面
不足十里議益以雙
城阿城之地至今尚
未劃定東界四家子
西界俄暫租界之糧
台南界秦家岡鐵路
旁北界松
花江岸

雙城府
本阿勒楚喀
地原名雙城

子光緒八年由分防
巡檢升改撫民通判
今由廳升府又府東
一由里拉林城設有
分防巡檢計府境東
界賓州西界新城南
界榆樹北
界松花江

新城府

治伯都訥雍
正四年設長

省西北
六十里

省北四
百里

知府
宣統元年

拉林分防巡檢
光緒年間

知府
光緒三十三年

甯縣乾隆元年設州併
 歸永吉州二年設州
 同十二年裁改巡檢
 二十六年裁改辦理
 蒙古事務主事嘉慶
 十五年裁改理事同
 知添設巡檢二員分
 駐伯都訥孤榆樹光
 緒三年廳治移駐孤
 榆樹八年改撫民同
 知今由廳升府
 還治伯都訥

榆樹直隸廳

原名孤

省西北二
百七十里

同知
宣統元年

設有分防巡檢光緒
 八年改伯都訥理事
 同知為撫民同知移
 駐於此而移分防巡
 檢於都訥光緒三
 十一年升改新民府

吉林已... 表

表

六

金陵湯明林

還治伯都訥而以此
設榆樹縣今升直隸
廳東界五常西界新
城松花江長春南界
吉林北
界雙城

五常府 治五常堡屬
之歡喜嶺光

緒八年設撫民同知
並於廳南六十里設
山河屯分府經歷
西九十里設彩藍橋
分防巡檢計府境東
界長壽西界榆樹南
界舒蘭北
界賓州

賓州府 原名葦子溝
光緒八年設

撫民同知今由廳升
府東界方正長壽西

省東北三百六十里

省東北六百零五里

知府
宣統元年

山河屯分府經歷
光緒八年

彩藍橋分防巡檢
光緒八年

知府
宣統元年

界阿城雙城南界
五常北界松花江

長壽縣
由賓州燒鍋甸子分防巡

省東北八
百四十里

知縣
光緒二十八年

檢升改東界甯安方
正西界雙城阿城南
界圍場五常
北界賓州

阿城縣
本阿勒楚喀地金之按出

省東北四
百四十里

知縣
宣統二年

虎水也俗名阿什河
治紅旂屯離古白城
二里東界賓州西界
濱江南界雙城北界
黑龍江

東南路
巡道原駐琿春改駐延吉

京東三千一百二十
五里省東南八百一
十五里距北極高四

東南路道
分防吉林東南路兵

轄二府兩廳四縣又
原轄穆稜一縣宣統

備道兼管琿春延吉
等處關稅邊務加參

二年八月因劃界地勢不便稟准改隸東路北

延吉府

本埠春煙集岡地治局子

岡光緒二十八年設

延吉撫民同知今由

廳升府東界汪清琿

春西界敦化南界和

龍及朝鮮北

界汪清甯安

琿春廳

治琿春城管密江站以東

之地東界圖們江西界延吉南界圖們江

林南緯二十七分距領銜秩正四品宣統元年設琿春兵備道
順天北緯三度二十分旋改今名二年
三分偏吉林東經二度五分
度五十八分偏順天
東經一十三度五分
距英國格林威治測
驗所世界線一
百三十度十分

省東南八百一十五里

省東南一千三百里

宣統元年

知府宣統元年

撫民同知宣統元年

北界
東甯

和龍縣

治和龍峪
延吉南之
和

省東南八百
九十五里

知縣
宣統元年

龍峪分防府經歷升
改管圖們江越墾各
地東界朝鮮之鐘城
會甯等府西界奉天
之安圖南界圖們江
朝鮮之茂山府北界
延吉

汪清縣

以汪清河得
名治汪清河

省東一千零
三十五里

設治委員
宣統元年

南岸之哈順站旋移
治於距延吉九十里
之百草溝而益以甯
安南境之地東界東
甯瑋春西界甯安南
界延吉北界甯安

甯安府

治甯古塔城

省東南八百里

知府
宣統二年

駐改設東界穆稜西
界五常南界延吉北
界依蘭

東甯廳

治三岔口以
綏芬廳升府

省東一千一百九十五里

分防通判
宣統元年

之原駐地改設東臨
瑚布圖河界俄國之
五站西界臨安南
界琿春北界額穆

敦化縣

即鄂多哩城
又名阿克敦

省東南四百八十里

知縣
光緒八年

現建城於舊城西二
里許東界延吉西界
吉林南界樺甸北界
額穆

額穆縣

治敦化原屬

省東三百五十里

設治委員
宣統元年

站即我朝始居鄂
謨輝之野以額穆和
湖得名係析敦化甯
安五常之地增設東
甯安西北界五常南
界甯安西北界甯安

東北路

一州五縣又緩設一廳
州兩縣按東南東北
兩路道所轄地方係
就現在劃界後酌定
故與輿地內按語本
之從前奏案者稍有
同不

京東二千三百三十一
五里省東北一千一
百四十五里距北極
高四十七度二十分
距吉林南緯度四十七
七分五十五分偏北
度二四度一分十二
偏順天東經一十三
度二十分距英國格
林威治測驗所世界
中線一百二十度十
分

東北路道

備道辦邊務交涉
兼管依蘭等處關稅
加參領銜秩正四品
宣統元年設依蘭兵
備道旋奏改今名
二年春經部覆准

依蘭府

治三姓城國省東北一千一百一十五里

知府光緒三十一年

喇依蘭三也喀喇姓
也係裁都統添設東
界樺川西界方正南
界勃利北界松花江
江北即江
省湯源

方正縣

以方正泡得名東界依蘭

省東北九百零五里

知縣宣統元年

西界長壽南界牡丹
江北界松花江
即江省
大通

穆稜縣

治穆稜河由甯安之穆稜

省東北八百零十里

知縣宣統元年

河知事升改東界東
甯西界甯安勃利南
界甯安北
界蜜山

樺川縣 以三姓南境
省東北一千四
百六十五里

宣統元年
設治委員

名初治佳木斯現稟
准遷治悅來鎮即蘇
蘇屯東界富錦西界
依蘭南界寶清北界
松花江湯源
即江省湯源

勃利縣 以古勃利州
省東北約一
千三百餘里

宣統元年
設治委員

子河東界寶清西界
甯安穆稜南界蜜山
北界依蘭未設治以
前暫歸依蘭府經理

蜜山府 以甯古塔之
省東北一千
二百九十里

知府
光緒三十三年

治招墾分局係析甯
古塔及三姓地添設
東界虎林西界穆稜
南界俄國之都魯克

吉林已事詩

表

十 金陵湯明林

即快當壁
北界臨江

臨湖縣
以興凱湖得名
有興凱

省東約一千三百里

緩設
宣統元年奏設

衛湖之西北岸屬中國
東南岸屬俄國
治尚在緩設之列
大約東界湖北
南界湖南
界蜜山

臨江府
光緒三十一年
由三姓富

省東北一千七百八十五里

知府
宣統元年

克錦之拉哈蘇蘇設
州今升府東界綏遠
西界富錦南界饒河
北界松花江渡江東
半為俄阿穆爾省西
半為江省興東道治

富錦縣
由富克錦分
防巡檢升改

省東一千六百四十五里

知縣
宣統元年

東界臨江西界樺川
南界寶清北界松花
江江北即
江省湯源

饒河縣

以克富錦之

省東一千九百四十里

宣統元年
設治委員

治小加級河東界烏
蘇里江西界寶清南
界虎林北
界臨江

寶清州

以寶清河得

省東北約一千四百餘里

宣統元年
設治
元年奏設

坡東界臨江西界勃
利南界蜜山饒河北
界富錦樺川未設治
以前蘭樺子山迤東
撓力河迤北歸臨江
府經理蘭樺子山迤
西撓力河迤南山迤
歸蜜山府經理

吉林已事寺

表

十一

金陵湯明林

虎林廳 以三姓之七省東一千五百九十五里

撫民同知 宣統二年

治呢嗎口以呢嗎廳
分防同知改設東界
烏蘇里江右岸為俄
屬西界蜜山南界蜜
山北界
饒河

綏遠州 治三姓烏蘇省東北二千零九十里

設治委員 宣統元年

嘎東界耶字牌與俄
分界西界臨江南界
饒河北界混同江
左為俄阿穆爾省

修史之難莫如圖表以其不可以意為之也吉林自光緒十七年創修通志列有圖表於疆域職官之沿革亦既得其大凡矣及三十三年改行省設民官郡邑之分合改移職司之裁併增

減因地制宜如同創始博雅君子欲繪一輿圖則礙於界址未
清不能就也欲訂一官志則礙於編制未定弗克成也舊制新
章淆然莫辨俟河之清人壽幾何竊以爲地界縱未劃斷而四
至可推測而知官制縱未設齊而百司可參稽而得乃不揣固
陋截至庚戌之冬先成地圖付諸石印以公同好然有圖無表
仍不明晰又薈萃羣書勉爲此表惟宣統紀元以上文牘不全
公署政書所紀二十一屬道里按之通志及舊驛站表已多不
合而新設各處更無從問津復向文報局趙刺史仙瀛乞得道
里單一紙核與通志政書驛站表亦互有參差又從兵備處查
有前屬民政司管理之文報局道里表並謝民政司之按屬調

查記彼此互較擇善而從數月以來略有端緒蓋吉省地方遼闊計里本未確鑿又有官道僻路之分並有看似迂迴而實便捷者如附火車輪船繞道之類故路之遠近言人人殊然文報郵置所經似覺較的乃以道里單爲主而間以各書所列參酌改定其天度內之北極高度及南北緯度東西經度除圖內照繪外亦於省城及四巡道所駐處詳列焉至其職官建置年月稽之記載參以訪聞亦十得八九彙爲簡明一表其中沿革擇要入表並散見於各詩註內本末略具仍恐不無訛漏如得海內通人隨時補正則幸甚焉宣統庚戌除夕豫章沈兆禔附記

吉林紀事詩

序

國風十五皆詩人紀事之作也列國政教雅俗正淫靡不具是獨東土邊聲不登諸籍蓋太史輶軒不及關外而書闕有間焉吉林爲肅慎古國我

朝龍興肇迹奄有蒙古入主中夏其間將才接武史乘彪炳雖不絕書而墨客騷人所至恒尠厥後秋筵入集創爲新聲然羈旅牢愁匪與斯旨榛蕪彌望於歷代之沿革民俗之變遷旣無文獻足徵又乏歌謠可採觀風者奚所取乎豫章沈君再沂有感於是從公之暇寄情吟

詠輒寫胸臆凡以吉林新設省治庶政畢舉羅其掌故
系諸韵言久之成帙斐然也夫世風遞嬗政俗隨時事
以興替不有紀述曷風來禩箸爲吉林紀事詩若干首
分別部居詳加故實類舉則情見韵協則言順既有鉤
稽復資羣感然則觀是編者其於政治之念或亦油然而
興耶若夫言逐聲響詞誇麗則又非所以語此

宣統二年庚戌陳昭常

序

今

上登極之次年歲在庚戌寰海鏡清方隅砥平余時權勸業
道篆於鷄林 豫章沈鈞平大令袖所著吉林紀事詩
草就正於余晤談間藹然有儒者氣象望而知爲循良
之選覽詩及註元元本本殫見洽聞於天文地理時令
風土政事民物暨一切之有關於吉省者旁搜遠紹萃
於一編並考訂行政輿圖及簡明一覽表并諸卷首旣
博且精較宋詩紀事尤爲明備洵當世之有心人也吉
林爲我

朝發祥地周之邠岐漢之豐沛舉莫能過惟有軍府而少
民官故風氣之開視諸省稍後光緒丁未

廷議東三省改行省置郡縣越己酉宣統紀元以迄於今
前後數載 雲津徐制軍 蒙古錫制軍相繼爲東督
甯州朱經帥 新會陳簡帥相繼爲吉撫其間因革
損益整理而擴充之者月異而歲不同進步極其迅速
明良遇合千載一時若不發爲詠歌被之金石使

皇猷官績闡焉不彰亦士大夫之羞也况地介兩強日俄協
約日韓合邦以來風潮益迫內外臣民獻策上書謀所
以自強者皇皇焉如不及亞聖有言國家閒暇及是時

明其政刑雖大國必畏之矣時哉勿可失利弊興除百
端待理則此時爲最可危之時亦爲最可幸之時也事
以詩存又烏可以不紀是編於國界邊防極其留意以
圖們江口入海僅百餘里爲吉省東南水路咽喉本我
國之領土照約章指陳形勢訂訛正誤據理實可爭回
則采余昔歲所上之條陳而擷其精要其力主屯田又
與余近時提議不謀而合鴻籌碩畫頌不忘規蓋詞章
家考據家實經濟家也豈尋常之竹枝詞比哉大令學
宗陽明以第一流人物高自期許雖嘗見賞於名賢而
不諧於俗亦在於此宦江南十稔以廉幹稱所至有惠

政卒爲蜚語中傷不克竟其所學而歸之於命略無怨
尤今歲春夏之交浮江渡海走幽燕入遼瀋遠游肅慎
故墟以攬長白松花山川之勝而寄之於詩天殆將使
之蹶而復起楚材晉用俾從諸君子後建立功業而有
造於東陲歟抑使之窮愁著書俯仰今古悲歌慷慨而
徒吟出塞之篇歟是未可知也然網羅舊聞敷陳新政
作

陪都之掌故其詩則可以傳矣因敘其緣起以誌欣賞云
爾

宣統二年仲冬月朔枝江曹廷杰序於吉林勸業道署

序

唐宋以來詩分各體江西宗派其一也近代作者往往
貌襲古人而又好爲奇葩以鬪勝非諛言盈紙卽飾詞
連篇甚或唐突叫囂抒寫其骯髒不平之氣此作詩之
兩病也其於忠厚和平之旨一唱三歎之音蕩焉無存
遑問有合於古人否沈鈞平明府浙之仁和人也占籍
豫章之南昌以名孝廉現宰官身曩宦吳門權甘泉東
臺等邑篆所至有聲而抑鬱不得志今歲春夏間出關
來吉投効予幸同舟獲親覩其爲人敦厚溫柔笑言不
苟深有得於風人之旨趣而預知其必工於詩無以上

二者之病也自夏徂秋公餘之暇輒蒐討乎鷄林之天
時地利風土人情與夫政治上之源流沿革每有所得
發爲詠歌延及數月纂成吉林紀事詩一編分爲十類
類附以按語詩共一百八十餘首首各加註條分縷晰
博大精深予誦其詩予益重其人詩以言志諒哉昔人
謂山谷作詩用工深刻駕東坡而上之故成爲江西宗
派公殆祖尙山谷而得其緒餘者歟是編也務其質以
著其文舉其大不遺其細且綴以圖表攷訂精詳可作
紀事詩讀亦可作省志讀適油印成爰爲綴敘概畧以

誌欽佩云

宣統二年冬十月楚北陳培龍序於吉林兵備處

四庫全書

聚珍書局印

序

白雲暖天黑水拖地灌莽無際驚沙坐飛亦嘗準析木
眠不咸上溯稷慎肅慎通貢之初下攷元菟渤海置郡
以後撫大榮祚勿汗河濱之域詢阿骨打拉林江上之
師見夫挹婁九梯但長秋草勿吉七部一片斜陽白雁
何之黃龍不見悠悠終古茫茫此愁於斯時也則欲發
孟堅之幽情激明遠之長嘯旣而溯朱果鍾

祥之地披

翠華宣德之章五峯指處長白山高二水環來牡丹江濶白魚
瑞湧紫鷺和鳴粟末千灣雲護雌雄之箭昆崙萬仞天

高堯舜之臺於斯時也則欲哦邠邠原獻之詩攬豐沛
風雲之氣逮夫索倫舊壤羅刹相侵箕子遺封檀君勿
祀十日並出五星無光鐵道霆逝金甌颺賊神明之隕
魑魅晝行崢嶸之尅魑虎昏見犬戎外逼蛾賊內侵河
山一角蝸爭城郭千年鶴化於斯時也則有新亭之感
伊川之嗟要之華實之毛厥爲上腴襟帶之阻所謂天
府邇者

皇緯新

帝紘廓補綻決壤枝柱邪傾域分採劉向之言風俗條朱贛
之畧踵秦人耕戰之利究漢氏實邊之策文公作邑並

重工商句踐雪仇首謀生聚萬目星舉一心風行文垂
日虹武埽氛霧於斯時也則疏竇儼六綱以期致理推
張昭八審爲念保邦特是方罅四隅華離其黑白雜組
五色糾錯其元黃聞見傑池今昔旭卉求其縑綜百禩
囊括羣有闢詩學之門津作史家之志乘往往水端莫
測宙合難窮而 沈君鈞平吉林紀事詩出焉君手握
赤珠口吞丹篆小萬卷爲號大九州能談元結能文恩
之一第昌國應舉成有百篇夙挺應劉之聲出闡蒲密
之化萊庭柏植潘縣藹開五十絕戚太和諭民之詩三
萬戶傅山陰理繁之略然呂父之治雖首諸城而龐統

之才豈惟百里近且遠游冠好短後衣輕發軔翼軫之
墟結靱尾箕之野望南雲兮渺渺犯朔雪兮霏霏咽秋
風於楊柳笛中伫夜月於蓮花幕裏騁書生之筆舌參
上將之韜鈴時則大旂日落萬馬無聲古木飈寒一鶚
欲起盾鼻磨墨弩牙發機胸羅破陣之圖翰灑洗兵之
雨曲鳴桐鼓硯借須彌七層支白傅之陶瓶十手佐蘇
公之筆錄得詩二百數首箋註十萬餘言臚列十門都
爲一集臨淮壁壘爲之生新塞上焉支因而增色厥製
斯爲盛矣其長可得言焉聞之美物者貴依其本讚事
者宜据其實玉卮無當雖寶非用侈言無驗雖麗非經

甘泉玉樹青蔥上林盧橘夏熟藻飾垂所昔賢譏之君
則黃神授筮白阜陳圖味剖今腴藻披古豔著虞書之
任土作貢慎周易之辨物居方直使讀七月之詩如覩
豳風引三閭之辭可知楚寶其可貴者一也至若落梅
驄馬迢遙隴上之章低首牛羊敕勒軍中之句饒歌朱
鷺樂府黃鸞大漠煙圓孤城月小川原氣凜王仲宣慷
慨從戎鼓角聲悲杜子美流連出塞要皆噍殺之音多
發揚之致少羈寄之情長潤色之興短君則仰矚高山
之莫俯察區陬之廓識大識小知古知今語其矜貴明
堂清廟之歌迹彼淵通古鏡空潭之照其可貴者二也

士夫木伯奇雖振而正詭子虛烏有文以豔而用寡君
則以茂先之博兼公彥之勤孝綽之集數十萬言夷吾
所知七十二代貢俗觀變薛收采之聖人飛翰騁藻華
覈光乎時事而且強澀之體無取彥伯中和之氣得自
景先裴子野之彌綸後進可獎白樂天之淺切老嫗能
解其可貴者三也在昔烏拉文連象來易舛朱蒙技善
鴻洞難開望白狼而冰雪常填過丹鳳而音書苦斷緣
黃坤之遐阻尋墨客而寂寥吟翰無傳方聞亦略君則
旁綜載籍肇述津委遊人於積玉之圃照我以記事之
珠太沖之賦三都取材方志博望之槎萬里鑿空窮邊

是則墨林五言可備闕駟之記縹囊一詠卽註桑欽之
經方將混沌高歌太史下採其可貴者四也備茲數善
已傾一時傳之四方自堪千古蓋馬太皇之色墮其毫
端水晶火玉之光燭於腕下百三郡國次崔光之詩十
萬甲兵知范老之腹際此五京荆棘已沒銅駝兩戒風
煙難關鐵牡范滂有澄清之志程駿體申厚之旨必不
難下斟謨觴上佐揆席借片玉碎金之質贊熙天耀日
之勳豈僅君苗焚硯於陸機司隸命車於張載已哉瀛
窺豹有心雕龍無技屬承誣諉爰伸惶引愧乏皇甫之
名竊附子安之後佩直當夫迷谷糧幸有以餽貧昔日

論文我已虛鳳閣舍人之樣遠方倍價君定重鷄林宰
相之金

宣統二年歲在上章闡茂辜月穀旦滇南張瀛序於吉
林府署

序

國風雅頌其體則與賦比其事則列國之政教風俗誠以爲詩之道以能移易風俗爲貴實不僅抒寫性情已也是故少陵篇什後世多稱道之吉林爲

國朝龍興重地昔之

聖德武功今之外交內政不有佳篇曷昭來葉然而寄興牢騷無關大計卽如秋箬之驚才絕艷究亦何補於時豫章沈君鈞平達斯旨也故其所爲之詩必詳其故實以抒其讜論且復星羅棋布以圖繫之經直緯橫以表列之

用能紹

盛世之元音創詩家之奇格蓋是詩也言體則詩言事則史
蘭亭絕唱固儼然三百篇之遺音也是豈小碎篇章所
可同年而語哉夫文獻者古今得失之林也興衰之原
強弱之故舉繫於斯謀已者以之定保守之方謀人者
以之籌進取之策

國家大計關係匪輕況吉省處俄日之間國界邊防最爲
緊要文獻尤不可闕耶故吾於是詩不嘉其言辭清麗
而嘉其提要鉤元不嘉其音調鏗鏘而嘉其銜華佩實
彼世之能詩者蓋亦多矣或則模山範水或則弄月吟
風非不俊逸清新膾炙人口然而兒女情多風雲氣少

積習相靡國遂不振昔之齊梁陳隋比比然矣是則僅
知爲詩而不知爲有用之詩之過也是亦烏足貴哉風
雲變幻頃刻萬千放眼神州潮流日急而吉林一隅尤
首當其衝當世名公鉅卿未必無有爲之志先見之明
而時勢艱難無從着手遂致籌邊料敵厥願雖償惜是
時無以賈生治安之策進者是詩詳記一邦文獻舊制
新猷分門臚列任舉一端皆足以臻上理采其屯田之
法則可以謀生聚用其實業之譚則可以興工藝欲要
害之爭回也則約章之辨誤綦詳欲邊隅之鞏固也則
兵力以加厚爲急天地人物至大且曠薈萃菁華博而

能約讀者既省鈎稽之煩益興政治之想倘能貫而通之則舊日因循之習必能一洗而空由是而推及鄰省由是而推及內地各行省固我邊圉奠我邦基固將以是詩爲左券也然則是詩之作又烏可以已耶嗚呼以君之才之識若有能用之者必能坐言起行博我以王道宏我以漢京而乃屈於百里不克竟其設施甚或排而去之而生平經濟僅僅見之於是詩嗚呼是固君之不幸要亦不僅君之不幸也雖然古人有三不朽太上立德其次立功其次立言是詩也立德耶立功耶吾不得而知之而立言則庶幾矣由此以前君德弗彰君功

弗顯由此以後君名必傳且大府愛才必能爭相羅致
將見良驥騰驤蹶而復起又烏知其功德之不果立耶
是亦足以豪矣吾與君同舟塞上爲忘年交物我無間
已欽其爲人體用兼該更佩其所學故雖蕪陋不文而
於是編也不能不輟數語以誌景仰世有知君者或不

河漢斯言

宣統二年十有一月長至日黃陂劉國禎謹序於吉林
兵備處

言水糸言

序

紀事之詩有韻之記也騷人詞客每爲之自有詩以來
直至於今殆以都會之巍煥古蹟之留遺山嶽之雄奇
江河之遷徙以及一邱一壑一園一林一市一村一樓
一刹一境之風月一地之煙花一農一夕之文酒談讌
絲竹流連之旣細且微靡不譜爲篇什發之吟咏以寫
其悲歡慨慕感於中而不能自已於言者果有補於天
地幾何哉而後之人讀之猶俛仰想像幾不啻置身於
其間初未意今有沈子鈞平吉林紀事詩之偉作也吉

林爲

國朝發祥地內參奉黑外邇日俄人稀而物饒山眾而林
密天然美富寰宇幾區

朝廷特改行省置督撫以治之謀何深慮何遠哉僕囊書
杖劍兩賦東征撰著無才負茲聞見獲睹鉅製奚殊掬
吾心而納吾腹撮吾言而入吾耳耶紀事詩云乎哉直
志乘耳援筆作序則吾豈敢中懷所觸欲闕不能爰書
數語爲天下後世讀是書者正告曰是書也莫作紀事
之詩觀可名爲吉林有韻之志乘

宣統三年二月七日嘉應蕭亮飛雪蕉甫書於金陵儼
寓之江聲帆影樓

吉林紀事詩自序

自古君臣契合朝野感孚本貫通中外之才成震鑠古今之業者固由其遇爲之也然其中亦有機焉方其機之未至也則以富謂文成公景銘之興墾設官長忠靖守其規達將軍伸其旨初未竟其措施及其機之既至也則以徐錫趙之通籌併計朱撫軍慮其始陳中丞觀其成卒以達其目的觀於吉林通塞之機則此紀事之詩殆亦隨機而動者乎

國語烏拉吉林四字連文烏拉謂江吉林謂沿其僅曰吉林者從漢文而省也其別作鷄林者以聲音略同也博

考唐書載鷄林賈人之事奇搜吉志傳鷄林哈達之名
珍重佳篇詩同金易流連風景語定珠穿意其黑水騷
人富有白山詩卷顧秋河在望未吟神鵲之篇春水從
游徒奏天鷲之曲爾音金玉疇覩琳瑯惟我

皇朝聿傳

御製

聖祖翠華三莅首煥天章

高宗鸞輅四巡旁徵土俗舞名喜起歌作明良

主聖臣賢勿可及已嗣後秋筵僅見卷阿無聞殆因禁地相仍
吟壇不屑文人學士入關多仕都門游宦寓賢過境視

同傳舍報章偶載或誇詞寫竹枝文集無徵大概板虛
梨棗夫輶軒問俗二南備詠睢麟太史陳風七月不忘
蟋蟀在此

發祥之地甯無紀實之章溯自朱果鍾

靈輯繞電流虹之瑞黃圖翊

運拓降原與宅之規由是干戈戚揚

武功競盛典章制度

文化覃敷

世祖克成厥勳

列聖能續其緒蓋三省皆

邦畿根本自異尋常而一方實

王迹肇基尤關緊要洎乎光緒丁未

德宗采議特頒改省之綸次冬戊申今

上登基重垂立憲之訓三邊之因革損益頻年之籌畫經營

不有賡歌將忘原委視半生落拓萬里閒關近自江南

遠游塞外辨尾箕之天度封疆軼過於營州覽遼瀋之

地圖國界特嚴於吉省單單大嶺而太皇蓋馬長白異

其稱蕩蕩三江而松花鴨綠圖門別其派

應天媿丹陵華渚三姓早識

聖人

胥宇同部室邠居五國共扶

眞主

專征而秉旄仗鉞

時巡則繩武詒謀他如楛矢石弩貢物上稽肅慎輦路藍縷

肇邦爰及建州其間遼府金京元路明衛必識部分國別
始明碁布星羅而且漁獵人民進爲農商時代仿荆楚
歲時之記存金源風俗之遺官制更新宦途並列邊防
軍政內政外交庶績紛陳百端待理則總其成者公署
而奉其令者有司置民政司以重地方而行政用人禁
煙設警均屬範圍建交涉司以聯邦國而分疆鋪軌開

準通商皆其職掌至司法獨立而檢察審判等廳隸於
提法使教育宏開則普通專門諸學轄於提學司度支
司以理財則租賦稅捐官俸軍需無勿舉勸業道之富
國而農商工賈森林礦冶罔不修有東西南北以分巡
有府廳州縣以專司而守土負其責任有旂務蒙務以
辦事有陸軍防軍以成鎮而練兵馴致精強略別部居
藉覘經濟若夫建功立業遼金汗馬之臣附翼攀鱗豐
沛從

龍之彥羣英輩出總括方宜其女眞之金碣元碑渤海之銅章
寶鑑物希爲貴器舊新珍至於珠蚌金貂珍禽貴獸野

淺巖木山繭江魚以及花果穀蔬昆蟲鱗介水晶火玉
寶石玻璃金錫銀鏐鉛銅硝炭棉絲所織皮革所縫柳
草所編樹麻所績冶工陶工之美木器漆器之良約舉
二三例推千百事無可附聞或稍遲學臨安之紀遺取
酉陽之雜俎殿諸卷末竊比志餘目列十門都爲一集
得詩二百數首加註十餘萬言事欲其詳陋管中之窺
豹詞非誇費等博士之買驢加之準鳥道以成圖開方
計里倣龍門而列表紀月編年測繪初成調查略備所
期賡續庶可完全尤冀宏通補其罅漏嗟乎介兩強之
疆場固圉卽以銷萌撫七部之山河圖存莫如求治易

曰知機其神乎未雨綢繆履霜戒懼亦在當軸者之審
機而已易然有感於齊言待時乘勢盛哉特規夫蕭選
蹈德詠仁作嗃矢之邊聲望扶輪於大雅仰虎視非常
之概雲峯高踞

陪都誦鷄鳴不已之詩風雨欽遲君子

宣統三年歲在辛亥夏四月穀旦豫章沈兆禔鈞平氏
自序於吉林兵備處

題詞

虎踞龍蟠比沛豐
白山佳氣鬱蔥龍
降原陟嶽基王跡
欲上高臺溯大風

三百年來建軍府
韜戈同作太平民
一從運會遷流極
人物衣冠次第新

文武聲名燦九邊
綢繆未雨中興年
諮詢盡入輶軒錄
揚扢新成錦繡篇

風月平章競逞才
何如椽筆絕纖埃
大東締造資藍本
志乘他年定取裁

辛亥季春

鈞平仁兄屬題卽正

弟吳燾

題吉林紀事詩次友人韻

聖武當年誰作紀楚騷孤淚更何言千秋荒遠龍沙塞四壁寒

凝犢鼻禪好句江山同入夢出關民物幾憑軒東隅往

事稍能說

曩時編輯延吉邊務報告書其山川歷史交涉等類亦頗費攷訂

何日相尋雪夜門

右題詩一首客冬所作自慚不工故久未錄出日昨見

紀事詩續印本題詞已多又承寄語索題特檢舊稿

寫呈求教乞轉致令兄可改則改之如不可用棄

之可也此上

叔美道長兄

弟制王國琛謹呈

題吉林紀事詩集

出塞新聲別宮徵摛羅掌故萬千言憂時便擬鯨鯢海
入世終慙蝨處禪儘有異聞成雜俎欲將韻事補輶軒
鷄林書賈如相問爭叩空山夜雨門 奉題

吉林紀事詩

張天驥

我邦肇楫實始吉林歷祀三百距固閉深所主惟軍遂
以軍治亦有民官同通理事光緒初葉漸置府縣攷獻
徵文書缺有間惟十七年奏修通志爲目十三頗無扇
義自時厥後外患如焚甲午庚子迄於甲辰亟圖拯危
乃建行省增官設治興教布警以妥疆鄰以夷伏莽以
蒐軍實以蕃民養沿革萬端合或數易幾二十年而無

載籍 沈君南來于役督練考功執法在職有宴摛討
國聞盱衡時政憂其不續託諸謠詠凡兩閱月凡成絕
句二百又四首各爲註註輒翔覈十萬餘言曰紀事詩
厥功勤焉皦皦先哲杜吳詩史此其傳諸敢告司梓
宣統二年十月保靖瞿方梅題於吉林法政學堂

昔人每苦遼東謫今日輕作吉林客漂泊蓬梗此天涯
拚寫江山入簡冊文人大病在好奇金母木公藥不醫
畢竟古來奇勝境半歸英雄半入詩旣濟史才登仕版
熟治兵刑隻手綰將老不忘政學心穹邊更開輿圖眼
酒酣研地怕高歌磊落奇材抑塞多西堂竹枝譜海外

神京舊迹委岩阿，傳人不苟爲述作。興到筆落深寄託，空言那如實事徵。風土人情紀崖略，我愧徒作汗漫遊。古今事變逝水流，君詩典核我浪語。悔煞掌故疎搜求。

宣統庚戌季冬

江陵鄧裕釐拜題

一官一集客題襟，文獻無徵渭深選。韻重煩家合筆

分門猶是鄭樵心

書凡四卷分十門

輿圖掌上螺文細

增最新輿圖

聲律

行間鳳德情縝密，溫良詩替史貢廷。何必白山琛

秋筍詩句柳邊文

吳兆騫有秋筍集楊賓有柳邊紀畧

何似吾宗迴軼羣，爲拾

明珩投絕徼，方看搖筆動風雲

輿地門圖們江一詩於中俄界務大有關係

良知貫

微能通俗

君宗陽明學

道統危微系屬君，價重鷄林他日事。一

官塵土負多聞 奉題

鈞平宗兄吉林紀事詩卽希 吟政 南雅弟宗琦

佺期曠世挺英聲
賸馥殘膏萬眾傾
留取篇章光玉塞
抵將方略上金城
鷄蟲得失空千古
鵝蚌河山弔五京
吟罷披襟望長白
寒飆萬木一雕橫

白雲如幄海如環
歲暮滄江客未還
劍氣一庭雪生幕
角聲幾處月滿關
布衣仗策公卿側
斗酒題詩天地間
特乞休文遊好贈
鷄林求市擬香山

庚戌仲冬楚黃張濟川題於孟晉齋

古今掌故儘搜羅
子建才真八斗多
三百年來開樸陋

鷄林韻事此先河

五色花從筆底開
天留時會待君來
他年

國史徵文獻典重
應推著作才

年愚弟傅鍾濤拜題

龍興遙想當年迹
虎視難消近日憂
荆棘刺空餘落照
烽煙欲靜苦防秋
不無家國添悲感
幸有文章助遠猷
典重材堪修史乘
襟懷千古意悠悠

程途遠走八千里
掌故近徵三百年
華國文章傳信史
等身著作有新篇
河山變色悲今古
金石溢聲入管絃
筆下龍蛇忠義氣
屈原心事寫江邊

黃陂劉國禎拜題

休文聲價孟堅才事事關心到草萊
歷徧吉林版圖地
蒐羅一例入詩來

足蹟頻煩眼界寬十門筆底蔚奇觀
要知不是閒吟詠
試當今朝志乘看

長白山頭左右望十年間事幾滄桑
可憐無數憂時淚
都化珠璣貯錦囊

肥魚濁酒記當時數醉松花江上卮
萬種牢愁銷不盡
鷄林紀事復題詞
嘉應蕭亮飛拜題

海天望無際一別動經年慨慷從戎日
蒼涼出塞篇山

依長白起江與牡丹連外患風潮迫陳詩當策邊

去年消夏節爲我緝詩詞還覽江南會知從塞上師家
庭談別緒客路問歸期大漠鴻飛遠傳書到恐遲

鈞平大弟隔別有年去春重晤於江南屬其爲余編輯
倚梅閣詩詞付梓今秋挈兒女由毘陵赴江南覽勸業
會則弟已赴吉林矣僅與弟夫人陶錦裳妹及姪輩暢
談別緒今寄題此詩爲之愴然

宣統庚戌冬月適瞿韻蘭姊淑英作於常州之十子街
本宅

頻年投筆事戎軒鄒律誰吹黍谷溫豈有詩名同白傅

拚將幽怨託黃門鶴歸難認江雲影鴻踏空留塞雪痕
萬里遼天來復往實邊猶望徙民屯

宣統二年春重作關外之游于役吉林督練兵備處次
夏得家電乞假暫旋則女兒文英已於前一歲五月朔
逝世內子陶錦裳又於今年四月三日病歿外孫吳蟾
桂生五年矣人極聰穎亦於是月二十九日夭亡骨肉
凋零百感交集因金陵排印吉林紀事詩竣自題一律
寄意不復計詞之工拙也 辛亥季夏鈞平氏自題於
江南湘軍公所

攬勝遼天海湖自昔山河戎龍蟠虎踞帝王真宅雲氣

如蓋剩片颿影落斜陽外水流碧峯橫黛喚漁樵從頭
說古今興廢安在 同是宦游人飄零又東向榆塞勝
迹不堪尋頓風景初改最無聊杜老詩史平生亡儘多
傷心載與子把尊酒一聲歌慷慨 調寄塞垣春奉題

鈞平仁兄吉林紀事詩

辛亥二月旣望嘉定徐鼎康倚聲

灞上迷漫風雪路驢背朝朝也合詩翁去長白距天曾
幾許登高到此誰能賦 拌買貂裘歸計誤五十弦聲
翻得驚人句祇惜塞鴻飛不度春來消息無尋處
惠賜尊箸傾佩無旣敬題鵲踏枝一詞奉報 雅誼尙

祈 正譜爲荷之至

鈞平先生道鑒 辛亥上元前五日弟周家樹倚聲

畫角聲聲裂祇不勝許多清怨助他嗚咽春到遼陽無
尋處未抵江關蕭瑟應笑我等閒頭白一樣青青邊塞
柳甚無情也帶傷心色風露冷藐姑射 寒煙點點真

王宅賸漁樵從容說起幾番今昔有酒難澆千古恨暗
憶頭城五國又聞道長安似奕三百餘年多少事付哀
時杜老生花筆思冒頓習鳴鏑 調寄金縷曲奉題

鈞平先生吉林紀事詩 辛亥二月旣望長沙易象天

嘯初稿

獨客怨春暮，俛仰問遼西。
遼西千歲孤鶴，爭道不如歸。
迴首興王第宅，依約故人子弟，
城郭是耶非。周室忽東邁，
禾黍正離離。六州鐵伊梁石，
甘渭氏於今已成大錯。來日故應悲，
忍付城南詩客。贏得幾番吟嘯，
淚眼弔斜暉。卻笑賈生策，
何似伯鸞噫。調寄水調歌頭奉題鈞平先生詞長大集並希正拍 滄山胡熙壽

褰裳遼水，便關懷塞上風雲。
恢詭誰念沛豐，舊日龍興鄉里。
鐵騎嘶邊聲起。先生笑把金徽，
理七字長城。總是傷心史，
陳事儘多歷歷。從頭省記五國城，
千年矣。

調寄河傳奉題

鈞平鄉台先生大集

鄉晚鍾銘勳倚聲

渺空煙鶴飛萬里
遼天瞰蒼茫
大東風景何人寫
入吟箋
牡丹江松花秀
接長白部粟末
雄環王氣先
鍾霸圖休問
龍興人物邁
金源稽土物
金貂珠蚌林
礦其天然興
圖按島連庫
頁嶺括興安
經幾番歐風
亞雨而今方
覺時艱課耕
桑徐收地利
置郡縣徧設
民官銳進新
猷促行憲政
實邊長策在
防邊舉獵火
蒐苗獮狩講
武憶當年悲涼
調秋笳遙和
塞外弦翻調
寄多麗辛亥
仲春鈞平氏
自填於吉林
戎幕

吉林紀事詩卷一

豫章沈兆禔鈞平氏著並註

男世廉校勘

發祥

謹案長白山在吉林烏拉城東南橫亘千餘里東至甯古塔西至奉天府諸山皆發脈於此山之東有布庫哩山山下有池曰布勒瑚哩天女感神鵲銜朱果置衣之異取而吞之遂有身誕始祖於此及定三姓之

亂爲貝勒居於鄂多哩城建國曰滿洲在甯古塔城西南三百三十里卽今之敦化縣數傳至肇祖計

誘先世讐人四十餘人於蘇克素護河呼蘭哈達誅其

半以復讐越四傳至

太祖時已遷居赫圖阿拉

地即奉天
之興京以

顯祖遺甲十三副起兵征尼堪外蘭

復 景祖

顯祖之讐萬歷十年明人執以

畀我其後完顏等部首先歸順凡東海國之渥集部等
路長白山之鴨綠江路扈倫國之哈達輝發葉赫烏拉
四部以次削平綜計我朝開國武功在東三省者凡
百四十有四吉林得十七焉可謂盛矣

繞電流虹曠代無浴池天女果吞朱商家元鳥周人迹

聖世禎祥先後符

望風三姓早推尊建國初居阿克敦

王迹肇基今試溯世同陟嶽降原論

阿克敦即鄂多哩城為今之敦化縣

部居粟末依長白江順松花到牡丹東土山川扶

景運遼金未許作齊觀

北魏靺鞨七部粟末部南抵太白依粟末水以居粟末之東曰白山部案松花江舊名粟末水今之敦化縣即鄂多哩城又松花江發源於白山之北金名宋瓦元名混同明為松花皆一水而異名元史瑚爾哈河並入混同江我朝始居之鄂多哩城在勒富善河西岸瑚爾哈上流即今之牡丹江前代契丹興於滿洲之西戈壁之南女真崛起於圖門江流域然未能混一區宇則山川之靈秀固應專屬之 聖清矣

呼蘭哈達復先讐天錫

興王智勇秋遺甲十三平勁敵更欽

祖武裕孫謀

通志呼蘭哈達在琿
春城東南五十里

聖主威棱及海東扈倫四部漫稱雄天戈十七鷄林指合詠文

王伐密崇

以上發祥參考開國方略
御批通鑑滿洲源流考吉林通志

巡幸

謹案我朝啟字實始吉林且圍場在吉奉間故秋獮

之時仰邀

臨幸

聖祖翠華三莅

高宗鸞輅四臨眷念舊邦形諸歌詠於民風土俗采入

天章洵盛典也敬以紀之參考通志

御

製詩集

賡歌喜起與明良秋獮重開射獵場

二聖翠華曾七莅金源舊俗入

天章

以上巡幸參考通志

御製詩集

天文

謹案天文分野本於周官保章氏而漢書因之然分星
惟隸九州而不及九州以外如析木爲燕分而并以元
菟樂浪屬之已覺荒遠難憑况元菟東北數千里之地
又豈析木所能盡故通志存而不論僅以日出等類著
於篇然舊說既有分野當尾箕析木之次一說姑紀之

以備一格節錄通志

顯微遠鏡仰空窺分野占星辨尾箕日出寅賓時校早

上稽羲仲宅嵎夷

吉林太陽出入時刻大抵春分後六日視京師出漸早入漸遲此晝之所以長於京師也秋分後六日視京師出漸遲入漸早此晝之所以短於京師也以上天文節錄吉林外紀

輿地

謹案吉林虞爲息慎夏商周爲肅慎亦曰稷慎前漢西南爲元菟郡後漢東北爲挹婁東南爲北沃沮西南爲高句驪三姓東北爲豆莫婁隋南爲白山粟末北爲伯咄安車骨東爲拂捏號室東北爲黑水窟說莫曳皆虞

婁越喜鐵利靺鞨地唐初曾設勃利州黑水府西及西
北爲高麗後爲渤海涑州東爲上京及率賓東南爲南
京東北爲東平府西南爲中京西北爲扶餘府極東北
爲黑水靺鞨遼爲涑州北爲東京之甯江州西爲率賓
府西北爲東京之通州賓州龍州黃龍府湖州渤海州勝
州河州祥州上京之長春州南爲長白山部西南爲輝
發部及安定國東爲博羅滿達勒部東北爲女真烏舍
鐵驪靺鞨等部極東北爲五國伯哩部金南爲上京海
蘭路東南爲率賓路東北爲呼爾哈路北爲肇州會甯
府西北爲隆州及東京之泰州西爲東京咸平路屬縣

元爲開元路西爲咸平路混同江兩岸爲合蘭府碩達
勒達等路明初年爲納兒干都司領衛所一百餘其後
南爲長白山三部西爲葉赫部西南爲輝發部北爲烏
拉部東南爲瓦爾喀部東及東北爲窩及呼爾哈等部
西及北初爲三萬衛後入蒙古科爾沁部此歷代沿革
之大略也我朝初列爲禁地故設民官最少今之吉
林府固雍正年間所稱爲永吉州者也久之設吉林及
伯都訥理事同知長春理事通判所傳爲老三廳者是
及同治六七年間將軍銘安奏設吉林分巡道兼按察
使司銜吉林由理事同知升爲伯府都訥長春之同知

通判亦均改理事爲撫民又設賓州五常撫民同知雙
城撫民通判於阿克敦城設敦化縣統歸吉林道承轉
民官之設視前有加地方亦漸闢矣光緒十四年將軍
長順奏請升長春爲府升農安分防照磨爲縣二十八
年奏設綏芬延吉兩撫民同知長壽磐石兩縣三十一
年將軍達桂奏設哈爾濱關道設江防同知以屬之設
依蘭府設大通湯源兩縣升伯都訥撫民同知爲新城
府由孤榆樹移治新城而以孤榆樹地設榆樹縣三十
三年 詔設行省改將軍爲巡撫中丞爲朱公家
寶三十四年會同東三省總督徐公世昌奏設長春兵

備道並添設蜜山府臨江濛江兩州樺甸長嶺兩縣是
年朱公調皖撫今中丞陳公昭常接任乃大加整理於
宣統元二年間會同總督錫良疊次奏請將各地方或
因仍或添改轄於先後設立之分巡兵備兼交涉之四
關道以長春道爲西南路道駐長春所轄吉林府治省
城卽同治八年所升改凡濛江州磐石樺甸舒蘭雙陽
等縣皆析吉林府地分設者也長春府治寬城係開放
鄂爾羅斯公前旂地光緒十五年由長春撫民通判升
改凡農安長嶺德惠等縣皆析長春府地分設者也伊
通直隸州係原放伊通河圍荒地由伊通州升改此西

南路之二府一直隸州七縣也以哈爾濱道爲西北路
道駐哈爾濱所轄濱江廳治傅家甸由江防廳改設雙
城府治雙城子由雙城撫民通判升改新城府治新城
三十一年由伯都訥撫民同知移駐升改榆樹直隸廳
治孤榆樹由榆樹縣升改五常府治五常堡由五常堡
撫民同知升改賓州府治葦子溝由賓州直隸廳升改
阿城縣治阿什河由阿勒楚喀地增設長壽縣由賓州
府屬螞蜒河分防巡檢原駐地升改此西北路之四府
一直隸廳一廳兩縣也東南路道駐琿春旋改延吉所
轄甯安府治甯古塔城由三岔河之綏芬廳同知移駐

升改新易今名者也東甯撫民通判治三岔口在塔城
東境由東甯廳分防通判改設穆稜縣在塔城東北由
穆稜河分防知事升改延吉府治局子岡本琿春煙集
岡地由延吉廳撫民同知升改而另設琿春撫民同知
治密江站以東之地和龍縣由和龍分防經歷改設敦
化縣治阿克敦城於同治八年設立額穆縣治額木索
站係析敦化及甯安五常之地添設又於延吉以北汪
清河南岸置汪清縣而以甯安府南境之地以附益之
此東南路之二府兩廳五縣也東北路道駐依蘭所轄
依蘭府治三姓城光緒三十一年由三姓地添設茲於

其南境樺皮川置樺川縣東境古勃利州地置勃利縣
大通縣向置江北已劃歸黑龍江省今移置於江之南
岸方正泡曰方正縣而益以附近之賓州地蜜山府以
蜂蜜山得名係甯古塔及三姓地光緒三十四年添設
茲又於東北饒河之南置饒河縣其北寶清河之西置
寶清州虎林廳撫民同知治蜜山府屬之七虎林由呢
嗎廳分防同知改設臨江府亦三姓地東界烏蘇里江
由臨江州升改其西境之富錦縣由富克錦分防巡檢
升改其東境之綏遠州由烏蘇里附近地方增設此東
北路之三府二廳一州五縣也至五站所設之大通縣

湯旺河所設之湯源縣以地連黑龍江省先後劃歸該省原議設蜜山府東南臨興凱湖之臨湖縣以人煙稀少未設均不列以上各地方除勃利寶清尙在緩設之列外均已實行建置此外之應隨時添設者猶未可限此又近日添改之情形也今紀其原委於此而以山川城池屬部等類附及焉參考通志邸抄官報

元菟句驪北沃沮挹婁建國接夫餘石磐楛矢周時貢肅慎先徵孔氏書

吉林全境虞爲息慎夏商至周爲肅慎一曰稷慎郝氏懿行謂聲轉字通實一國也國語孔子曰昔武王克商肅慎氏貢楛矢石磐其長尺有咫漢武帝置元菟郡屬以高句麗上殷台西蓋馬三縣大清發祥之地乃漢上殷台西蓋馬二縣地卽今吉林府敦化縣一帶之地高句麗縣爲今伊通州磐石縣並奉天海龍廳之

地漢武帝滅朝鮮以沃沮地置元菟郡後以沃沮爲縣至光武罷都尉封其渠帥爲沃沮侯有東北二沃沮北沃沮今琿春全境地漢又置樂浪郡則今之延吉府地漢書東夷傳挹婁在夫餘東北千餘里東濱大海南與北沃沮接今賓州五常兩府及甯古塔東北一帶地晉書四夷傳夫餘在元菟北千里西接鮮卑國中有古滅城本滅貊之地也今新城府榆樹廳長春府農安縣長嶺縣雙城府等地

勿吉疆連豆莫婁魏書一一湖源流高麗渤海相衰盛

分向隋唐列傳求

北史勿吉國在高句麗北一曰靺鞨去洛陽五千里其部有七一粟末部今吉林府地一伯咄部今新城府及榆樹廳安車骨部今五常府阿勒楚喀地拂涅部今甯古塔地號室部今甯古塔以東三姓以南地黑水部今三姓東北及富克錦左右地白山部今敦化縣延吉府及琿春西境魏書豆莫婁國在勿吉國北千里舊北扶餘也在室韋之東東至於海方二千里今三姓東北一帶地隋至唐開元以前爲靺鞨及高麗北境開元後爲渤海之上京中京南京扶餘府東平府率賓府及黑水靺鞨地又高麗者出自扶餘之別種隋唐時其地北至靺鞨是已越扶餘而北直拓至今之郭爾羅斯唐時從其西部進兵先攻夫餘南蘇夫餘今農安縣南蘇今伊通州唐滅高麗而渤海以興滿洲源流考大祚榮所都在長白山東北大欽茂又東徙三百里直勿汗河之東今甯古塔呼爾汗河也所置五京十五府

六十二州多在今吉林烏拉甯古塔及朝鮮地其王城卽上京龍泉府實爲挹婁故壤今爲甯古塔地舊唐書所謂在營州之東二千里者是也大榮祚所居勿汗州卽長白山之奧婁河境今爲敦化縣地其上京之南則爲率賓府卽今之綏芬府東北至呼爾哈一千一百里卽今之三姓城西南至海蘭卽今之延吉府之海蘭河遼滅渤海以其地置率賓府卽今之吉林府伊通州以及綏芬府地率賓府之建州卽今之敦化縣地其東京之通州賓州湖州渤海州祥州卽今之長春府境其上京之長春州東南境卽今之農安縣地其東京之甯古塔地卽今之伯都訥廳境其東丹國卽今之甯古塔地

遼府金京元各路制兼郡國闢荒榛建州亦列前明衛
崛起東方有

聖人

遼滅渤海後卽率賓故地設率賓府其地處遼代疆域之極東境域亦最廣金之建置仿於遼設五京復增一京爲六分十九路滿洲共設九路元以滿洲爲遼東行中書省置其治於今之遼陽州分轄各路以吉林省之東南部爲海蘭府碩達勒達路元一統志自南京而南曰海蘭府又南曰雙城在綏芬河側直抵於高麗之王京明於今之黑龍江吉林二省置衛三百八十四所二十四吉林府初爲額音楚蘇完河等衛後爲烏拉部伊通州初爲塔山雅哈河等衛後爲輝發葉赫等

部敦化縣初爲建州農額勒赫什赫河等衛後爲窩集部之赫席赫路
祖初興亦曾受建州之職長春府及農安縣初爲三萬衛後屬蒙古科爾沁部新
城府及榆樹廳初爲三萬衛後爲三岔河衛終屬烏拉部賓州府爲費克圖岳希
阿實等衛五常府爲摩琳衛雙城府初爲拉林河衛後爲烏拉部境甯古塔初爲
訥兒干都司及雙城薩賴塞珠倫興凱湖等衛後爲窩集部之佛訥和托克索甯
古塔穆稜等路呼爾哈部之那堪泰路三姓初爲薩里屯河等衛後爲窩集部之
烏爾固辰路呼爾哈部之喀爾喀木等十屯諾羅錫喇忻音達輝塔庫喇喇等路
琿春延吉府初爲率賓江穆霞河等衛及喀爾喀所後爲窩集部之瑚葉綏芬雅
蘭錫琳等路瓦爾喀部之斐優城
呼爾哈部之札庫塔城庫爾喀部

廣開郡縣設民官衝要非徒繁庶觀滿漢已融文武界
要從根本策通盤

宣統元年督撫會奏添改民官疏邊省與內地情形不同內省重在治民固
以民戶之繁庶爲準邊地重在守土應以地方之衝要爲衡兩語最爲扼要

山名果勒敏珊延音共阿林國語詮虎踞龍蟠爭

啟運五峯圍繞百泉旋

國語果勒敏長也珊延白也阿林山也長白山頂五峰圍繞有池曰關門山之四周百泉奔注入興京門爲 啓運山卽長嶺

龍形起伏象非凡

天作高山古不咸放海至青爲泰嶽東來紫氣貫秦函

長白山古名不咸 聖祖御製文論其龍形起伏渡海 結爲泰山關舊說自函谷而盡泰山之謬說理極爲精確

鴨綠圖門派別雙窮源更有混同江四千里路迴環繞

萬古長流控海邦

水從長白山發源西南流入海者爲鴨綠江東南流入海者爲圖門江北流入海者爲混同江卽松花江汪洋浩瀚環繞四千餘里按通志載水道源流頗詳惜卷

册繁多未能悉錄

興凱平湖似洞庭珠流璇折想淵渟兩旁農業中漁業

任作鷗鄉與鷺汀

興凱湖在蜜山府東南龍王廟地對岸即俄界周八百里與洞庭湖埒而冬夏不涸常年洋溢蓋來源之遠大雖不及洞庭而出口細微比洞庭尤有含蓄也產魚極富三四月冰解浮游水面至觸汽船之輪天氣和藹萬物發生比三姓約早半月兩岸旁猶有耕隴舊迹俄人於彼岸之農業及中流之航業漁業皆極意經營惜我國在該處之人煙寥落未能共其利也

國初設廠傍江沿會

命章京代造船敗板鏞釘穿井得追思明季督工年

船廠今省治順治十八年命昂邦章京設廠代造船隻以備伐羅刹之用然前此穿井輒得敗板鏞釘柳邊紀略云即前明永樂間之船廠

山映夕陽分五色水流明月蕩重光門前即是西湖景

船廠天然辟暑鄉

省城南向不設柵以江岸為城山水明秀大似江浙風景於消夏為宜

綏芬城郭亦臨江石壁松楓拱舊邦紅杏白梨花掩映

鮪肥時聽賣魚腔

綏芬治甯古塔城現改為甯安府者也南門臨江西門外三里許有石壁高數千仞名鷄林哈達古木蒼松橫生倒插白梨紅杏掩映參差端午為藥盛開秋間楓樹經霜丹林射日江魚肥美有形似縮項鮪名發祿滿人尤喜食之

咫尺輿圖測繪明花封重訂十三城櫛風沐雨尋常事

難得東陲地學精

節錄蜜山府魁太守福劃分東北東南新設各缺界址詳文謹勘得過牡丹江行五十里靠山屯村南有東西橫岡一道俗名長蟲洞東至江岸西至洙漠河寬約

二十餘里恰好作為東西橫界再緣洙漠河斜向西北六十里抵松花江東至府五十餘里西至縣一百三十餘里恰好作為南北縱界將此迤東一段劃歸府屬

餘三面均依舊界此重劃方正縣之界址也再東依蘭府以三姓為治城東與樺川以霍倫溝為界距府一百三十里曲折而東南經過七八虎力河至孤頂子山

北止距府三百里此為該府東界正南與勃利以鷄心河為界距府二百二十里正西與方正以洙淇河為界距府五十餘里西南至牡丹江東岸鍋盔山距府三

百里北面枕臨松花江左岸為江省湯原縣界此依蘭府之界址也至勃利縣寶清州既經奏設有案頃雖原札未經叙及亦宜預為劃出以為異日設治張本

勃利縣治城約設碾子河南東面與寶清以孤頂子爲界南面與蜜山以老嶺分水爲界西南與甯安穆稜以龍爪溝上源分水爲界北面與依蘭以鷄心子河爲界竊擬未設治以前全境歸依蘭府經理寶清州治城約設望山坡子東北與臨江以七星河爲界東南與饒河以雙椏子爲界正南與蜜山以老嶺分水爲界正西與勃利以孤頂子爲界正北東半與富錦以七星河爲界西半與樺川以七星褶子山爲界竊擬未設治以前自蘭樺子山迤東撓力河迤北歸臨江府經理蘭樺山迤西撓力河迤南統係蜜山已放之荒現下正在清丈應歸蜜山經理此勃利寶清兩屬之界址也樺川縣舊以佳木斯爲治城現經稟請改遷蘇蘇屯卽悅來鎮東面與富錦以瓦力霍吞爲界距縣一百二十里正南包有七星褶子山約三百里與寶清州以倭肯河源爲界正西與依蘭以霍倫溝爲界距縣七十里北阻松花江過江爲江省湯源縣治此樺川縣之界址也富錦縣以富克錦爲治城東南臨江府以古必札拉爲界距縣五十里南與寶清州以七星河爲界距縣一百六十里西與樺川以瓦力霍吞爲界距縣一百五十里北依松花江江北亦湯源縣界此富錦縣之界址也臨江府以拉哈蘇蘇爲治城東與綏遠以得勒氣爲界距府一百里東南與饒河以撓力河爲界距府二百里西與富錦以古必札拉爲界距府一百一十里西南與寶清以七星河爲界距府一百七十里北以松花江爲界渡江東半爲俄阿穆爾省西半爲江省興東道治此臨江府之界址也綏遠州以依力嘎爲治城東至耶字牌與俄分界距城一百一十里南與饒河縣以撓力河爲界距州二百里西與臨江以得勒氣爲界距州三百里北踞混同江江左爲俄阿爾穆省此綏遠州之界址也饒河縣以小加級河爲治城北依撓力河

東至烏蘇里江七十里東南與虎林以外奇勒沁為界距縣一百七十里西南與虎林廳以老嶺分水為界距縣一百五十里正西與寶清州以雙椏子為界距縣

三百里正北與臨江府以撓力河為界此饒河縣之界址也虎林廳以呢嗎口為治城東臨烏蘇里江右岸為俄屬南以小黑河為界距廳二百五十里正西與蜜

山以大小穆稜河流處為界距廳二百里北與饒河以老嶺分水為界俟吳丞到任後仍須會同履勘彼此承認方為一定蜜山府以招墾分局為治城東至虎林

廳界一百二十里南至俄界都魯克即快當別六十里西至穆稜縣界之青溝嶺二百五十里北至老嶺分水一百二十里此蜜山府之界址也以上十一城係知

府會同各印官履行勘劃應列一圖但穆稜縣前此 奏案雖歸東南路道管轄現經電請改歸東北路道自應附於東北路圖內界限方清案該縣係以穆稜河

知事改設治城即在穆稜河東與東甯廳以細鱗河為界距縣一百一十里東北與蜜山以青溝嶺為界距縣一百五十里南與甯安府以穆稜窩集分水為界距

縣一百五十里正西與甯安府以老邊為界距縣九十里西北與勃利縣以龍爪溝上源分水為界距縣一百八十里此穆稜縣之界址也東甯廳係以綏芬廳改

設治城仍在三岔口東臨瑚佈圖河天然國界南與琿春以紅旂河源劃分仍依舊界西與甯安以穆稜集分水為界距廳二百里西北與穆稜以細鱗河為界距

廳二百里此東甯廳之界址也以上二城係谷委員正巖會同各屬委員周行勘劃應列一圖伏查此役歷時已逾三月行程將及五千所劃各界或親履其地或

詳詢土人悉心審度形勢務尋出天然界限俾將來行政殖民兩俱稱便仍與各屬印委等員再四籌商既不敢隱有瞻徇復不敢稍存意見必眾論僉同方能定

議

伯利遙連依力嘎華俄新界白綾河快當璧鎮猶寥落

銅柱空思馬伏波

伯利今屬俄通志即唐勃利州地亦作伯哩曾廷杰東三省輿地圖說云按唐征高麗絕沃沮千里至頗黎遼五國部有博和哩國頗黎博和哩音同字異也今華

人稱伯利二字皆呼波力是與唐遼音同則俄之克博諾甫克即頗黎博和哩又伊力嘎今綏遠州設治處離中俄耶字界牌一百一十華里離俄之伯力一百四

十華里謝民政司已酉按屬考查日記伊力嘎山係臨江東境下臨混同江山形不高而頗聳秀擬設州治即在此山之上頗得控馭之勢山以東地名通江口通

江口者混同江之南岸有支流斜出於東南迤邐至烏蘇里江而止然後會同烏蘇里之正流北行與混江合其中間之地作三角形混同烏蘇與通江環其三面

中俄耶字界牌即立於此照咸豐十年舊約即在伯力之對岸乃俄人迭次擅移侵佔內地八九十里故現在自通江口以下無論北岸南岸均非我中國所有漁

獵樵採皆為俄人納稅查烏蘇里江為中俄天然界限而尾閭處以通江之支流為界不以烏蘇之正流為界得寸得尺俄之謂也然此處形勢將近於通江口處

兩岸山勢環抱作口門東隅雖失猶得為第二重門戶設州治以作鎮洵屬扼要伯力地址踞山之巔緊臨江岸論其形勢頗與伊力嘎相似山不甚高約長十餘

吉林巴事考 十一 凌陽明林

里自東南至西北起伏作山岡五道最前者謂之南岡次日中岡又次日北岡北岡之後地名下衝口華僑之居於此者爲最多全埠共五千餘戶三萬餘人俄人一萬七八千俄兵一萬俄總督署在南岡之首俯瞰江流斜對博物院院內有臺上立俄探險家莫拉約夫銅像卽開闢斯土者一手持地圖一手持千里鏡正與江心相望博物院陳列楚楚吳京卿分界所立銅柱在焉蓋庚子之役自琿春輦去者現已斷成兩截矣壁上挂赫哲器物最夥不論精粗無一不具並肖其男女形勢而衣之以衣其留心於赫哲之風俗性質蓋有以也蜜山府南境華俄接壤以白綾河爲界河小如溝其水涸處至無可辨認詢諸土人據稱先是分界在西南五十里當興凱湖之正中曾有卡倫在此地名曰勿賽氣河其後卡倫旣廢吳欽差大激分界至此遂立界牌於快當壁地方距原址五十里始有以白綾河爲界之說然白綾河之南約三四里尙有小河一道據土人云白綾河者實是在南界之小俄人近又占出三四里強指此河爲白綾河而界牌又復潛移其東岸龍王廟地方之亦字界牌亦屢次易湖之分界卽以此兩岸爲對直線現在湖權之爲中國有者不過三分之一國疆交錯旣無天然界限以爲證據則應慎保疆域設戍守以爲備而從前則荒土彌漫無人爲之過問現在奏設臨湖縣擬卽駐紮於此洵爲扼要南望俄疆其邠屯則星羅棋布我僅快當壁一鎮煙戶不滿十家此虛彼實誠宜切實圖之界牌之得以移易者亦未始非空虛之故也

兩路分行入蜜山別尋水道穆稜間灣流險石煩疏鑿

途不經俄便往還

入蜜山之道有二均約四百里一由呢嗎口則至東北而至西南一由穆稜河則自西南而至東北然皆山徑崎嶇爲荒陬未闢之所此外則自南而北沿興凱湖邊由雙城子或四站進者皆俄壤也以驛程計俄境較近一由雙城子至蜜山共三百七十一華里由四站至蜜山共二百九十二華里一以道路計俄境又較平然假道鄰疆轉使我固有之正路愈日棄於荒蕪而不治不徒利源外溢而於國體亦殊不合沿途與魁守悉心研究呢嗎與穆稜兩路比較雖荒僻相等而情形各有不同蓋穆稜河爲軌路經過之所雖近邊疆猶在內地呢嗎則濱臨於烏蘇里江之邊倘使繞越江東仍須道出俄境欲事修繕誠不若穆稜爲便且設治委員范熾泰曾募招墾隊以經營此路而至今爲梗者皆在青溝嶺之上下七十里四無人煙且乏汲水之處道途之險熾更無論已現因經費支絀招墾隊既經裁撤魁守到任後仍撥隊填駐雖保護有資而行道之困苦仍不少減經營蜜山誠宜於此爲首先注意之事蜜山府之交通固猶有水道在焉穆稜河由西南橫亘而至東北綿延千餘里入烏蘇里江蜜山城附近河邊而適居其中左右上下均五六百里抵蜜山後特親往勘察沿河步行四五里河面不寬多則七八丈少則三四丈或二三丈不等蓄水尙深而不利於舟行由於灣曲太甚往往繞行數十里而徑直之線相望咫尺且由蜜山上溯約二百餘里中流有巨石甚險現在偶有貨物經過往往起運至岸陸行四五里經過此石灘始復登舟倘能鑿而通之即可暢行無阻河岸堆積木植甚夥詢係採自樺川河運至此蓋近年之新

建屋宇其取材悉賴於斯惟航利之發達總須俟內貨充盈方能有所輸出一二年前山內糧食全數仰給於外來本年則所產已足供所用可見地利之興日增月盛但能董勸有方收效自在不遠且查河之下流其入江處距呢嗎口約三十里現在俄人之販運糧食上則新甸德墨里下則三姓佳木斯等處近亦千里遠則二千餘里始達伯力此則由呢嗎口入俄境一葦可杭其利便固不可以道里計滾滾河流謂非大利之所在耶按金史拉必據慕稜水保固險阻慕稜水即穆

稜河今於其地設縣

鷄林形勝在伊通遼水松江襟帶中輕便軌聯公主嶺

屏藩奉黑控諸蒙

伊通直隸州古肅慎氏地漢晉爲扶餘國地南接高句麗北朝屬勿吉西鄰蠕蠕契丹隋屬靺鞨唐屬燕州尋爲渤海所據遼甯江州金隆州地元遼王分地明屬海西衛後扈倫部自建爲國介葉赫烏拉二國之間國朝屬吉林光緒八年置州宣統元年升直隸州其地西枕蒙古東瞰吉林南控瀋陽北制黑龍江崇山峻嶺巍然外環沃野平原坦然而且遼河襟其左松江帶其右廷杰常謂長江據天下腹地之險水師之設所以握其要也青海伊犁鎮迪爲天下右肩之蔽惟哈密實扼內外之衝瀋陽吉林黑龍江爲天下左肩之蔽惟伊通州尤據形勢之勝蓋以此耳現汪直牧士仁詳准合該處紳商籌辦輕便鐵道與奉天之公主嶺

火車接軌聞全路股本須銀
圓六十萬圓擬招股興工云

海水環流紫極洞土山對峙翠微宮石雕仙佛兼龍象

荆棘銅駝感慨同

東三省輿地圖說金史會甯府初爲會甯州太宗以建都升爲府天眷元年置上
京留守帶本府尹兼本路兵馬都總管東至瑚爾喀路六百三十里西至肇州五
百五十里北至夫餘路七百里東南至率賓路一千六百里南至海蘭路一千八
百里松漠紀聞自上京至燕二千七百五十里三十里至會甯頭鋪四十里至第
二鋪三十五里至河薩爾鋪四十里至拉林河北盟會編出榆關以東第三十八
程至拉林河終日之內山無寸木地不產泉又五里至矩古貝勒寨盡女真人第
三十九程至館去上京尚十里許元宗奉使行程錄過混同江四十里宿呼勒希
寨三十六程自呼勒希寨東行五里契丹南女真舊界也八十里至拉林河行終
日無寸木地不產泉人攜水以渡河五里至矩古貝勒寨第三十七程自矩古貝
勒寨七十里至達河寨第三十八程自布達寨行二十里至烏舍郎君宅又三十
里至館此去北庭尚十里查金史所謂瑚爾喀路即今三姓南一百七十里小巴
彥蘇蘇地方牡丹江西沿古城肇州即今順札堡站東北珠赫城率賓路即今綏
芬河雙城子地方海蘭路即今圖們江北海蘭河海蘭城自白城按之道理皆合
松漠紀聞由白城西行渡拉林河北盟會編行程錄由拉林河東行至白城所記

道里皆百四十餘今由白城西行十里有土城名點將臺又三十里有土城名小城子又三十餘里有雙城子又十里單城子又十里金錢屯又三十里烏金屯又十里花園地方有舊土圍又五里拉林河亦約百四十里路皆平坦猶見甬道形迹知花園地方即矩古貝勒寨金錢屯即阿薩爾鋪雙城子即達河寨亦即布達寨小城子即會甯頭鋪亦即烏舍耶君宅所在點將臺即當日館客之所再東行十里至白城西門外偏北有大土阜今呼斬將臺查北盟會編第三十九程至館去京尚十餘里翌日馬行可五六七里一望平原曠野又一二里云近闕去微蓋復百餘步有阜當指此斬將臺也白城西面南面各十里東北隅縮進五里作弓形由縮進之隅至西城適中之處復有橫城一道橫城南有子城方約二里南面有二土阜對峙各高二丈餘周二十餘丈由阜間北行有高阜七層高各四五尺長均二十餘丈即宮殿基也兩旁均有高阜南北直向即圍耶基也外又各有橫亘高阜數層皆在子城內北盟會編宿圍繞高丈餘皇城也至門就龍雲下馬行入宿圍朝見即捧國書自山棚東入山棚左曰桃源洞右曰紫極洞中作大牌題曰翠微宮高五七尺以五綵間結山石及仙佛龍象殿七間其壯額曰乾元殿高四尺許前作壇方數丈名龍墀據此知子城即所謂宿圍南面之阜即所謂桃源洞紫極洞中間即翠微宮北行即乾元殿也又金史至獻祖徙居海古勒水始有棟宇之制遂定居於阿勒楚喀之側今阿勒楚喀城東北二十餘里有海古水即海古勒也俗呼大海溝小海溝合流入阿勒楚喀河至白城之稱雖史無明文然據太祖實錄云遼以鑛鐵爲號取其堅也鑛鐵雖堅終有填壞惟金一色最爲眞寶金之色白完顏色尚白况所居按出虎水之上於是國號金蓋因建號之

初色尙白故呼此城爲白城其時本爲會甯州至太宗始以建都升爲府天眷元年始號上京金史地理志上京路卽海古勒之地此蓋可見矣按白城國語呼珊

延
濤生林海是窩稽人馬難通道路迷滑滑泥深行不得

願鋪鐵軌貫東西

東三省輿地圖說今遼水東北盡海濱諸地凡林木叢雜夏多哈湯人馬難以通行之處皆稱窩稽亦曰烏稽亦曰阿集知兩漢之沃沮南北朝之勿吉隋唐之靺

靺皆指此也查兩漢沃沮有南北之分當以長白山爲限在湖南者爲南沃沮在

北安軍骨在伯咄東北拂捏在伯咄東號室在拂捏東白山在粟末東南以地理

考之粟末部卽今吉林烏拉一帶緣松花江舊名粟末水也白山部卽長白山伯

咄部卽今伯都訥金史作部渚濼皆伯咄之轉也拂捏部卽今甯古塔西南八十

里古城俗呼東京城亦稱佛訥和城按遼史東京遼州始平軍本拂捏國城明時

有佛訥赫衛皆指此也安車骨部卽安楚拉庫路據通志在阿勒楚拉之西號室

音林已舊詩

十五 金陵揚明林

臨勿汗河此爲肅慎故地曰上京龍泉府亦即拂捏部地故至今吉林各古城土人通呼曰高麗城蓋因渤海會附高麗非高麗實有吉林地也

經營長嶺與濛江界劃山川健筆扛開闢鴻荒成樂土

十年生聚定豐龐

長嶺濛江地本荒蕪自設州縣後頓改舊觀十年生聚當更有進步

考訂輿圖訪古碑萬金塔畔認城基扶餘府與黃龍府

斷以農安釋眾疑

扶餘黃龍二府地眾說紛紜曹廷杰註得勝陀碑援古證今極爲精確並以萬金塔在今農安縣即古黃龍府治獨斷以釋羣疑

山界分明舊迹看河流烏底外興安海東要地非甌脫

收效桑榆望敦槃

中俄於康熙年間初訂約時以外興安嶺爲界惟烏底河以南至索倫河爲甌脫地及咸豐八年定愛琿之約十一年續修界約以烏蘇里江及松阿察二河作爲

交界東屬俄國西屬中國
東海各要地遂爲俄有

樺甸安圖界尙紛線成南北掌螺紋山窮麻稽羣峯盡

江自松花二道分

吉省之樺甸與奉天之安圖接壤以麻稽山及松花江爲界

東海濱借阿穆爾綏臨依蜜與俄鄰江湖險要與烏共

塞上屯田正徙民

俄之東海濱及阿穆爾兩省與中國毗連現內興安嶺暨烏蘇里江之險要我與外人共之矣徙民屯田實爲上策况彼已力行之耶

敦化遠徵西蓋馬汪清邊界近和龍日韓合併圖門接

最要琿延慎爾封

琿春延吉與韓爲鄰自日韓合併後交涉愈關緊要

冰走耙犁使犬部雪施蹋板貢貂人蝦夷庫頁徵圖志

盡是

皇朝塞上氓

三姓北一千二百里松黑兩江之口有赫哲部地早寒多冰雪其引重之器曰狗
耙犁如小車而無輪以細木性輭者削兩轅前半翹起上彎後半貼地處四柱與
四匡輔之以板如運重則於上彎處駕以二犬二人在上以鞭揮之其速逾於奔
驥今冰耙即其制不過改用馬耳其捕獸之器曰蹋板以木板長五尺貼縛兩足
跟如泊舟之狀划雪上前進則板乘雪力瞬息可出十餘里凡逐貂鼠各獸循迹
追之十無一脫運轉自如飛鳥不及每人歲貢貂皮一張又東北海之庫頁島原
屬三姓東南海有蝦夷島附庫頁
人至混同江貢貂皆書曰吉林地

耳鼻金銀大小環雙了雙辨認風鬟貂狐帳褥雕翎屋

蟒緞新從

內府頒

黑津部有三種其人耳垂大環四五鼻穿小環一均以金銀或銅爲之女子未字者作雙髻已字者則爲雙辮富者以雕翅蓋屋貂狐等皮作帳褥至三姓貢元狐黑貂等貴皮賞以大紅盤金蟒袍錦片粧緞績繡等物

食魚幾度卽年華海國渾忘甲子加傲苟搓羅胡莫納

樹皮草蓋野人家

黑津不知歲時問年則數食哈巴達魚幾次以對以漁獵爲生取樹皮或草爲小屋有名傲苟者以布或樹皮爲之有名搓羅者卽草蓋圓棚有名胡莫納者卽樺皮小圓棚以上輿地參考柳邊紀略甯古塔紀略吉林外紀赫哲風土紀歷史通志官報

歲時風俗附

謹案幽風一詩具言天時民事由載陽而流火由肅霜而鑿冰其間農桑狩獵以及祭祀燕享莫不發爲詠歌后稷公劉之化王業所由基也吉林亦我朝之幽也

志稱直樸勤儉精騎射善佃漁天氣早寒遲種先穫洵足與豳詩媲美謹本斯義以紀蓋不僅作荆楚歲時記岳陽風土記已也

炸爆聲喧獻歲辰米兒酒飲甕頭春齋明盛服焚香早都是攀鱗附翼人

元旦旂民於味爽前盛服焚香祭祖禮神放炸爆
〔聚爆竹為炸爆〕家釀米兒酒如酒娘味極甜

魚龍曼衍夜張燈雪月交輝淑景增聯袂蹋歌歸興好
脫除晦氣應休徵

元宵然冰燈放花爆陳魚龍曼衍男女聯袂蹋歌謂之除晦氣

鍼髻初停放紙鳶紅粧冒冷打秋千龍頭擡日猪頭薦

春餅登盤列綺筵

正二月多架木打秋千謂之打油千並放紙鳶二月二日爲龍擡頭節是日婦女忌鍼滷人家多食豬頭啖春餅

節屆清明祭品豐墳頭爭壓楮錢紅笑他迷信城隍會

荷校男童與女童

清明節攜酒饌墓祭壓紅楮錢於馬鬣封是日城隍會出巡童男女荷校跪迎晦罪祈福

演劇酬神三月三元天嶺下共停驂仙人不爲盲人會

有警齊來釀飲甘

上巳日城北元天嶺真武廟會演劇報賽是日又爲三皇仙一堂會城鄉警者均往祭神

士女如雲北嶺趨藥王廟購紙葫蘆不知新舊年年易

覓得金丹一粒無

四月二十八日北山藥王廟會市人以五色紙紮葫蘆大者二三尺小者不盈寸士女出游焚舊者於神前而購新者以歸

艾虎風生燕尾髻綵絲竹箒緞荷包龍潭山上櫻桃熟

多少游人備酒肴

端午門戶懸蒲艾以黃米裹角黍婦女以綵絲為箒五色緞製荷包並小葫蘆同艾虎簪髻上或以布為虎繫兒肩皆除災辟沴之意但未見龍舟奪錦標耳龍潭

山櫻桃熟士女渡江登覽燕飲醉歸

松花江上即天河不見牽牛織女過今夜鍼樓同乞巧

蛛絲穿處巧誰多

七夕婦女陳瓜果以綵縷穿鍼乞巧按松花江國語松阿里烏拉松阿里者即天河也

中元燈異上元形會啟盂蘭燦若星萬朶荷花照秋水

可同佛火燭幽冥

中元作盂蘭會夜然燈徧置山谷燦若列星江中兩船載荷花
燈然燈順流如萬朵金蓮浮於水面船僧唄經鐃鼓吹並作

中秋鮮果列晶盤餅樣圓分桂魄寒聚食合家門不出
要同明月作團圓

中秋以鮮果月餅供月合族
聚食不出外曰過團圓節

重陽佳節各登高麵合糖酥製菊糕夾葉層層花樣好

紅查白果綠葡萄

重陽食菊花糕以麪合糖酥爲餅凡數層上粘菊葉
每層夾以果仁山查葡萄青梅等物一名九花糕

高會龍山酒滿盞碧潭紅樹入新詞陽春一曲賓僚和

譜出宮商叶律時

會城外龍潭山九月間碧潭如練紅樹經霜風景清絕士女作登高會者除北山
外卽以此山爲最新會中丞填有霜花腴用夢窗韻詞極佳一時賓僚多倚聲以

和

烝祭冬初宰豕肥家家祀祖送寒衣略同除夕燒包袱

追遠情懷未盡非

十月朔掃墓祀祖謂之送寒衣與除夕焚化冥資曰燒包袱同意

玲瓏剔透放光明一片心同徹底清仙佛鏤空誰得似

美人獅象雪雕成

士大夫家善作冰燈以礬水淋雪成冰鏤八仙觀音等像於薄片裁以作燈夜然燭放光幾如刻楮之亂真其巧妙誠為不可思議至二三月間方解

氣暈玻璃水作冰捋鬢一笑露珠凝瓊樓玉宇銀鋪地

江凍光含雪月燈

吉省自十月起家家閉戶燒爐火氣薰蒸氣暈窗上玻璃作人物花卉樹木山川形狀夜深火息即成厚冰出門戴風帽口氣冲鬢髻凝作冰塊脫帽如珠璣之散

昔人所詠明月照積雪已爲奇絕吉省則冰雪之中加以電燈照耀其景象更爲內地所無

祀竈餠糕並酒肴新年未到小年交豐儲飲食資中饋
餠餠蒸齊水角包

十二月二十三日夜祀竈神供餠糕謂之過小年前後數日人家以肉糜包水角以餠包麵蒸糕曰蒸餠餠與魚肉肴蔬儲足半月之需

梅花未放雪花飄守歲重裘貉與貂兒女團圓同不睡
迎春送臘是今宵

除夕分壓歲錢團聚飲食終夜不寢名曰守歲

王道平平不拾遺物還原主守芳規田苗蹴損皆賠償
官長軍民若等夷

八旂之居甯古塔者多良而純道不拾遺物遺則置之於公所俟失者往認惟踐人田則責牧者罰其值雖章京家人不免

拋球射柳有遺風律以弦歌未盡同文武分途今合一

天教時勢造英雄

金俗拋球射柳亦高武之意吉省弓馬為先弦歌較後今徧設學堂有各種科學與柔輦器械兵式等體操實文武合一之道陸軍學堂之講武而兼文藝其用意

亦同

植立庭前木一根祭天祀祖百神存禳祈禍福憑乩馬

切肉同餐俎上豚

凡人家庭前立木一根以此為神逢喜慶疾病宰大豬還願請善誦者名乩馬向之念誦家主跪拜畢用零星腸肉懸於木竿頭將全豬煮熟請親友列炕一人一

盤自用小刀片食不留餘亦不送人如不靈驗則另易一木

觀音土地伏魔三各具香盤靜裏參供奉神牌無一字

朝朝西北禮空龕

八旂內室供奉神牌只一木版並無一字亦有用木龕者室之中西壁北壁各一龕以黃雲緞爲簾帷亦有不用者北龕上設一椅椅下有木五形若木主之座西龕上設一杌杌下有木三春秋擇日跳神其木則香盤也以香末灑於盤上然之所奉之神默謂觀音伏魔大帝土地也故用香盤三

跳神降福女巫遺滿語誦誦應鼓鞞裙幅繫鈴銅與鐵

綢條五色線橫披

滿洲有跳神禮以當家婦或好女子爲之頭帶如兜鞞腰繫裙周圍繫銅鐵鈴百數手持紙鼓敲之其聲噹噹然口誦滿語腰動鈴響以鼓接應旁更有大皮鼓數面隨之敲和面西向炕上設炕桌羅列食物上以線橫牽線上挂五色綢條自朝至暮日三次用以禳病或祈福三日而止以祭餘相餽遺

阿馬葛娘尊父母烘多兄弟語堪徵愛根對待父而漢夫婦非徒哈哈稱

甯古塔稱父曰阿馬母曰葛娘兄曰阿烘弟曰多夫曰愛根妻曰父而漢男人曰哈哈女人曰赫赫舉此以見一班

帕首登輿抱寶瓶馬鞍跨後入門庭新人記取平安意

福壽多男祝未停

婚禮婦帕首登輿胸負銅鏡拘寶瓶內裝金銀五穀又置馬鞍於門闌跨而過

進化文明在合羣

帝鄉况久共榆枌

特頒滿漢通婚詔畛域從今更不分

吉省旂民本融洽光緒庚子後許滿漢通婚益無畛域

車搖不定輓兼推文祿朱衣滿月孩土語聲聲巴不力

金鈴響處笑顏開

生子滿月下搖車其製以篩板圈做兩頭每頭兩孔內外用綵畫並懸響鈴內墊薄板懸於梁上離地四五尺用帶縛定小兒使不得動哭則搖之口念巴巴不力

熊羆占夢弄之璋門戶懸弧志四方荆矢榆弓裝雉羽

童年好武氣飛揚

以榆柳爲弓童而習之別採荆蒿爲矢綴雉羽曰紐勒亦曰斐蘭

呼蘭設祭安先靈七七延僧念佛經立桿挂幡稽舊俗
且無木主與旌銘

喪禮設祭於煙筒煙筒國語謂之呼蘭每七日延僧誦經至八旂舊俗不奉木主亦無銘旌惟於院中立木挂幡每日叩奠三次

鷄黍留賓共進觴客行千里不齋糧絜維朝夕非圖報
皎皎駒鳴食藿場

滿洲凡出門不齋路費經過之處隨意止宿人馬俱供少陵所謂馬有青芻客有粟也不責報亦無德色

燕飲渾忘夜色淒舞名莽勢和空齊煙茶旣獻牲初進
解手刀操異割鷄

滿洲有大燕會主家男女必更叠起舞舉一袖於額反一袖於背盤旋作勢曰莽勢中一人歌眾以空齊二字和之蓋以此為壽也先送煙次獻乳茶終進特性以解手刀割而食之

春深草木漸舒芽五月方開芍藥花農事半年收穫畢

且從漁獵作生涯

吉省地寒三四月間草木方萌芽端陽始開芍藥農事孟夏播種仲秋即收穫農閒每從事於漁獵以作生計

連朝風雪水冰堅立柵江沿受一壓鳧雉鸞鷹朝列市

居人爭購度新年

十月杪江即凝冰沿江旅店因岸為屋至是時乃鑿冰立柵以作市歷售野鳧山雉鸞鷹鹿兜魚蛤之屬居人購作度歲之需

異室商君制可遵寒天竈熱不因人改良風俗先除炕

鑪火仍生黍谷春

吉省房屋多設火炕無冬無夏燒之於衛生極不宜曹提學使以不睡火炕爲改良風俗之一况今有洋爐地炕春冬之際亦不患寒氣逼人

樺皮屋瓦板門垣薪積成山易燎原欲解鬱攸多鑿井

消防合與衛生論

人家多以樺樹皮作屋瓦凡門垣窗牖皆以木爲院中又積薪如山故昔多火患且冰凍取水不易救熄頗難昔人謂宜多鑿井蓋爲此也現巡警有消防隊其災頓減按光緒十六年吉垣大火延燒千數百戶將軍府被焚此長將軍任內事也宣統三年四月初十日午後二鐘復遭大火次日午後方息其時西南風甚猛人力難施計燬度支交涉兩司署初級地方審判廳檢察廳省監獄官銀號及經征統稅巡警工程電報官書六局圖書館官醫院郵政局吉長報館其餘商店民居二千餘戶計五萬餘家火由西南迎恩門起延至北城巴爾虎門止僅東門一帶幸免全城菁華俱盡誠浩劫也火後撫帥會同督帥電奏並請欸五十萬爲撫恤善後之資當蒙 俞允鄧民政司出有示諭附錄於後照得省城此次火災被災房屋實居多數類垣敗壁滿目荒涼自應趕緊建築以期興復市面前奉撫憲發交督憲來電飭即修訂建築章程取締房屋制度酌留寬大道路並將從前木棚木路一切引火之陋制概行改革等因當經本司督飭巡警工程局會同商會自治董事會詳細查勘其應行留寬道路者詳列於下北大街自景合會以南街道須留三丈五尺與北街一律一前後魚行暫時禁止建造一度支司署前不

准搭蓋板棚一河南街糧米行街均須留三丈五尺一尙宜街至度支司署須取直線一財神廟胡同東口西口街道均須留三丈以外其西口與翠花胡同取直一城隍廟胡同牛馬行兩旁須留三丈一獨一處胡同自牛馬行起至官書局胡同取直均須留三丈以外一永德堂胡同兩旁不准稍有侵佔一二道馬頭北街道須與三道馬頭取直一草市東道須留地寬十五丈以外以便於中設立市場且與北大街取直一巡警局對門須與二道馬頭取直留三丈以外一寶宣胡同北口牛馬行總溝兩旁須各留三丈一通天街十字路口之西至永德堂胡同須留三丈一官胡同循臭皮胡同直接翠花胡同須留三丈以外一自留養所胡同起循巡警局南抵二道馬頭須留三丈以外一沿江隄南坎不准蓋建房屋以上指定各處商民如欲修蓋房屋必須繪具圖樣由巡警局工程局勘明批准方准興工如所指街道內有民地並由官中估價收買以示體恤其餘未經指定之處准按原有基址自行建築官家一概不加取締並望該商民等迅速從事以期早復舊觀惟從前舊習如木障板棚雨搭幌桿冲天招牌等類均一律禁止修造云云洵亡羊補牢懲前毖後之計也民間若力能多建甌瓦房屋則防患未然更爲周

密矣

若非楣棟板皮橫器具精粗一室盈食用額林隨意貯
收藏匱匱與餅鬻

楸棟間橫板猶古度爾名曰額林
凡匱匣餅器之屬皆隨意收貯

糝皮紙料樹皮繩製以人工用不勝截木中空煙引出
呼蘭古制更旁徵

搗苧絮爲紙堅韌如韋索絢用樺皮及假皮又比戶截
木中空引炕煙出之上覆荊筐以御雨雪名曰呼蘭

剝木爲舟似葉輕張帆蕩槳任縱橫
飄輪一樣梭穿急
贏得威呼自在行

剝木爲舟形似梭一人蕩槳間有張帆者漏
則以青苔塞之名曰威呼威呼國語獨木也

盤盃勺木能爲刀琢成形巨細宜不用模金兼范土
自然家具勝宗彝

吉省器具樸實大而盆桶
小而杯勺皆以木爲之

糠粘麻楷卽霞棚紅火初然焰欲騰何事囊螢兼映雪

小窗分作讀書燈

糠燈俗名霞棚以米糠和水順手粘麻楷（逆則不可然）曬乾長三尺餘插架上以三歧木爲架鑿空其端橫糠燈於中或削木牌鑿數眼於上懸之梁下光與燈等

投壺遺制戲羅丹獸腕盈堆擲中難偃仰側橫分勝負

一聲帕格衆人看

童子相戲以鼙鹿等獸蹄腕骨用錫貫其竅或三或五堆地上擲之骨一具四面不同擲以四枚視偃仰橫側爲勝負各得一色則爲四色全中者盡取所堆以去不中則與堆者一枚其用薄圓石擊之則曰帕格名爲羅丹以上歲時風俗附參考吉林外紀甯古塔紀略柳邊紀略東游扈從錄松漠紀聞邱抄通志並官私各

報

吉林紀事詩卷二

豫章沈兆禔鈞平氏著並註

男世廉勘校

職官

謹案吉林爲我朝肇邦重地順治元年設昂邦京章於甯古塔康熙元年改爲鎮守甯古塔等處將軍十五年移駐吉林乾隆二十二年改爲吉林將軍統治軍民綏輯邊境核其職掌蓋卽前代留守之遺與各省將軍之但膺闔寄者不同所轄有副都統參領總管協領防禦驍騎尉等官軍署有戶兵刑工四司雍正初年設滿漢御史不久裁去嗣是二百餘年增郡縣設民官駸駸

乎有行政規模矣光緒三十有三年 朝議改東三省
爲行省設立督撫總督兼三省將軍事務巡撫皆兼副
都統銜督撫之例兼都御史副都御史陸軍部之尙書
侍郎者如舊以徐世昌爲總督唐紹儀爲奉天巡撫朱
家寶爲吉林巡撫程德全爲黑龍江巡撫三月初八日
奉 諭旨東三省應如何分設職司之處着該督
等妥議具奏等因欽此四月十一日總督會同奉吉兩
巡撫奏請於奉天吉林黑龍江三省各設行省公署倣
照京都辦法督撫與司道同署辦公於公署內分設二
廳曰承宣掌一省機要總匯考核用人各事曰諮議掌

議定法今章制各事設左右參贊各一員秩從二品分
領兩廳事務就原有局署酌量歸併分設七司曰交涉
曰旂務曰民政曰提學曰度支曰勸業曰蒙務各設司
使一員交涉旂務民政提學四司秩正三品度支勸業
蒙務三司秩從三品以總辦司事承宣廳及各司均設
分科每科設僉事及一二三等科員以佐之諮議廳不
設官缺酌派議員副議員顧問官額外議員皆選明達
政治者充之此外陸軍關係緊要另設督練處以擴充
軍政司法分權專設提法司理刑法督撫仍各設祕書
官無定員以辦秘密緊要事件等因奉
旨依議

欽此嗣因吉省財政困難總督徐巡撫朱會商吉林官制辦法酌量裁改於十一月二十四日奏請設司道各缺派員試署除提學提法兩司於上年及本年業經

簡放外裁撤兼按察使銜吉林分巡道一缺增設交涉民政度支三司勸業一道以交涉局附入交涉司民政則以巡警局自治局及關於民政各項局所改設度支則以所有財政各局及從前之戶司併設勸業則以農工商礦林業各局併設學務教育等事已歸提學使外以從前之刑司裁歸提法司兼工司則分別併入民政司勸業道旂務暫不設司以從前兵司改設旂務

處至蒙務須體察情形從緩辦理而附於旂務處至參贊所領之承宣諮議兩廳事務倣黑龍江之例暫不設缺由祕書官及文案處辦理以從前之印務併入道以下各設首科僉事一人二年七月裁僉事設總科長一員餘暫緩設而以委員分任其事十二月十八日奉

硃批着照所請該部知道欽此官制既定復訂吉林公署試辦章程及辦事規則暫就撫署設立公署爲辦事處自三十四年三月朔起實行試辦逐日午後二時各司道齊集公署披閱文書遇有應行酌議事件卽時面請督撫示遵辦理事畢每件應歸某司道承辦卽

由本員帶回本署交各科員擬稿次日呈判通飭各府廳州縣除刑名案件仍由提法司勘轉外餘皆祇備公牘一分逕達公署毋須分詳分稟俾省繁牘以祛散漫牽制之弊而謀整齊修理之規是年六月朱中丞調皖特旨簡今中丞新會陳公繼其任八月受事於宣統元二年間定省外各官之制設西南西北東南東北四兵備分巡道辦理交涉已設關者監督關稅各分轄新添及原有府廳州縣省城及琿春三姓伯都訥甯古塔阿勒楚喀各副都統亦先後奏裁案件地糧歸地方官辦理以一事權府仍不設首縣自理地面事件凡

廳州縣公事皆直接院司試行新官制於其間蓋已視舊制不同矣參考通志邸抄公署政書

公署 按公署另有印信以行文書其規制一切具於職官總按語內

周邦雖舊

命維新境自岐豐上溯函行省設時公署立

發祥重地賴經綸

六百萬人新戶口五千里路舊封疆古今俯仰成因革

中外交通策富强

吉林戶口本不見多近年督撫極意招徠截至宣統二年漢民約五十六萬六千九百五十餘戶男女大小四百七十餘萬丁口合之滿蒙漢八旗男女大小四十

餘萬丁口統共五百零八萬數千餘丁口疆域現通志載東西距二千四百餘里南北距一千五百餘里新纂 皇朝文獻通考則載東西距四千餘里南北

距一千九百餘里按吉林東至甯古塔八百餘里又東至烏札庫邊卡七百餘里又東至松阿察河三百里又東至海濱千餘里是吉林東境實三千里有奇也又

自吉林東北至三姓一千二百里又東北至富克錦五百餘里又東北至烏蘇里江口七百餘里又東北至伯利今俄名克博諾付克順混同江至廟爾今俄名聶

格來斯克二千餘里是吉林東北境實四千四百里有奇也又自富克錦逾混同江而北循黑龍江省東界北至外興安嶺二千里有奇又自琿春而東至海參崴

今俄名那吉窪斯克又東至錫林河七百里有奇其中部落若費雅部居圖庫魯鄂古二河之間在混同江北海濱若貴雅額部居額齊第河西若貢貂部居約瑟

河北若奇雅喀喇部居約色河南並在混同江東南海濱其自混同江口西至黑勒爾則濟勒彌部居之即金史之濟喇敏也自黑勒爾西沿混同江兩岸則額登

喀喇部居之即不雍髮黑斤也自阿吉太山西至伯利則赫哲喀喇居之即雍髮黑斤也諸部落久隸版圖比於編戶今自咸豐八年愛琿之約定凡烏蘇里河口

順混同江東北至海濱二千餘里舊界屬於俄而以烏蘇里河口爲中俄新界矣咸豐十一年北京之約定凡烏蘇里河口沂流至松阿察河踰興凱湖而西至白

稜河口又逾大綏河而南至瑚佈圖河口又南而西至圖門江口以東舊界暫屬於俄而以烏札庫邊卡瑚佈圖河口爲中俄新界矣光緒十二年黑頂子勘界定

琿春之海口暫屬於俄而以圖門江口內去海三十里土字界牌暫爲中俄新界矣

國會先開議院聲促行憲政動

皇情提前釐定新官制內閣依時組織成

宣統二年十月初三日奉

上諭前據各省督撫等先後電奏以欽頒憲法組

織內閣開設議院爲請又據資政院奏稱據順直各省諮議局及各省人民代表

等陳請速開國會等語當將原摺電交內閣會議政務處王大臣公同閱看旋據
該王大臣等各抒所見具說呈進又於本月初二日召見該王大臣等詳細垂詢

切實討論意見大致相同溯自分年籌備立憲期限定自

先朝朕仰承

付託之重夙夜兢惕無時不以繼

志述

事爲心既不敢少事

遲遲不致逾形急切前經都察院兩次代奏呈請速開國會均即明白剴切宣
諭彼時爲鄭重要政起見誠有不得不一再審慎者乃揆度時勢瞬息不同危迫

情形日甚一日朝廷宵旰焦思亟圖挽救惟有促行憲政俾日起而有功不待臣
庶請求亦已計及於此第恐民智尙未盡開通財力又不數分布操之過蹙或有

欲速不達之虞故不能不驗向背於輿情決是非於廷議今者人民代表籲懇既
出於至誠內外臣工強半皆主張急進民氣奮發衆論僉同自必於民人應擅之

義務確有把握應即俯順臣民之請用協好惡之公惟是召集議院以前應行籌
備各大端事體重要頭緒紛繁計非一二年所能蒞事著縮改於宣統五年實行

開設議院先將官制釐定提前頒布試辦豫即組織內閣迅速遵照 欽定
憲法大綱編訂憲法條款並將議院法上下議院議員選舉法及有關於憲法範

圍以內必須提前趕辦事項均着同時並舉於召集議院之前一律完備奏請欽定頒行不得少有延誤總之決疑定計惟斷乃成此次縮定期限係採取各督撫等奏章又由王大臣等悉心謀議請旨定奪洵屬斟酌妥協折衷至當緩之固無可緩急亦無可再急應即作為確定年限一經宣布萬不能再議更張爾內外各大臣務當協力進行時艱共濟各省督撫領治疆圻責任尤重凡地方應行籌備各事宜更當淬厲精神督飭所屬妥速籌辦勿再有名無實空言搪塞必使一事有一事之成績一時有一時之進步無論如何為難總當力副委任如或因循誤事粉飾邀功定即嚴懲不少寬假顧官吏有應顧之考成國民亦有應循之秩序此後倘有無知愚氓藉詞煽惑或希圖破壞或踰越範圍均足擾害治安必即按法懲辦斷不使於憲政前途稍有窒礙以期計時收效尅日觀成上慰 先帝在天之靈下慰海內喁喁之望將此通諭知之欽此案吉省舉代表赴都各各行省國民代表請速開國會東三省督撫憲亦與各行省督撫聯銜奏請開國會暨責任內閣及聞有宣統五年開國會之 旨督憲錫復領銜合十六省督撫電軍機處請代奏請於明歲實行

袁袁羣公會議初廣思集益聚簪裾施行要政重編緝

宣布多方報告書

宣統元年六月督撫會奏設立行政會議處以督撫為議長分設正副議員以省城現任司道及旂務蒙務處總理充正議員以嫻習法政富於經驗之人充副議

員嗣分巡四道亦委充正議員現任府廳州縣官亦委充副議員及額外議員凡本省行政重要事件諮議局議決執行事件及應宣付諮議局籌議各種議案概交該處開會集議又將吉省各要政輯爲報告書月出一冊凡司道及官運諮議自治等局暨地方各正印官均月有報告書宣布要政上司既有所稽考同官亦互可研求尤與庶政公諸輿論之意新合今官報卽做此編緝改爲月出三冊故體例最善

指陳利弊口難緘抵掌而談自不凡議長議員邊塞聚 官書一卷列冰銜

吉省會議政務處議長及正議員係現任督撫司道暨旂務處總理副議員係現任府廳直隸州知州額外議員今改爲副議員係現任各縣及設治委員均有銜名可考外其載於官報者副議員爲公署新政諮議官吳觀察式釗秘書官羅直刺惇晏朱明府文濤崔明府文湘張直刺治仁汪通守熙提調萬觀察繩武副提調高直刺翔一等書記官胡明府錦燦統計員留日法政學生徐君志繹民政司僉事李觀察致楨交涉司僉事傅直刺彊提法司僉事傅直刺善慶提學司僉事何觀察壽朋度支司僉事盧直刺秉鎔勸業道僉事李明府德鈞高等審判廳廳丞錢觀察宗昌高等檢察廳廳長史觀察菡旂務處協理卽補道文彝蒙務處協理路觀察槐卿官立省中學堂沈直刺兆禕兩級師範學堂監督言內翰微經徵局坐辦浙江候補府文錦官銀錢號兼陸軍糧餉局總辦饒觀察昌麟官銀錢號

幫辦陳觀察繼鵬財政局坐辦張太守孤官運局總辦吳方伯匡會辦張觀察祖
笏清理財政局編緝科長留日法政畢業生吳君滯造幣廠總辦辛觀察寶慈法

政學堂監督瞿部郎方梅自治研究所監督范君治煥自治籌辦處
法制科長仇君鰲諸公按宣統二年秋重訂章程銜名略有更換

聖道尊崇典禮明

宮牆萬仞起

陪京上丁釋菜人觀樂玉振金聲集大成

文廟在東門內魁星樓旁近因 詔升 大祀又
經歷任督撫率屬捐廉於小東門外購地另建規模宏廠

兩三豪傑濟時艱末節繁文一例刪破格用人能識駿

賢才踰濟五雲班

吉省用人奏明不拘資格且將繁文末節概與刪除故得人較盛附錄宣統三年
四月督撫憲奏保人才片現充吉林督練處參議東三省補用道王賡前因通籍

留學日本陸軍為前任東三省督臣徐世昌所知調奉當差深資得力旋經雲貴
總督李經羲奏調滇省時值邊務事棘頗相倚重未行即隨已故協辦大學士戴

鴻慈出使俄國事畢後自備資斧歷遊歐美隻身行廿餘國堅苦卓絕爲人所難能該員當出洋之先曾調充陸軍協統駐吉辦事臣深喜得一臂助後該員乞假遊歷於本年二月回吉供差因安徽巡撫臣朱家寶奏保人才奉旨送部引見請咨入都臣覆查該員器識宏深通達治體此次由歐美回國聞見益恢不獨軍事參稽具有心得兼於中外大勢庶政措施靡不宏攬大綱洞徹事理該員出身部屬現以道員候補若專用之軍界臣猶惜其未盡所長倘使效用之途稍寬則其表見之功亦廣臣爲愛惜人才起見應如何量加擢用之處未敢擅擬除咨部外謹就考見所及附片具陳

黜陟幽明庶績熙爲懲爲勸兩無私地當邊要居風憲
密遞封章上

玉墀

中座位居風憲
故時有舉劾

致治持危銘與長朱陳際盛局開張請修圖志徵文獻
新政流傳憲政彰

同治年間將軍銘安奏請增設民官光緒二十六年京師拳匪之變俄軍至吉將軍長順効死不去卒與俄人訂立章程隨機應變地方賴以完全及三十三年改行省裁將軍設巡撫始任爲滇南朱中丞一切草創百度維新次年八月今中丞新會陳公莅任加以擴充整理更改舊觀惟通志從光緒十七年長將軍創修後將近二十年現新政聿興憲政逐年籌備地方或添或改輿圖分合視昔不同且地介兩強益形險要似應續修

陸防督練效兼收帷幄居中善運籌痛勦綠林蹤指示

元戎功業自千秋

吉省於光緒三十三年徵有陸軍一協之步兵兩標以第一標駐琿春第二標以第一營駐省城以第二第三兩營駐甯古塔此外又有軍樂一隊陸軍警察一營〔卽憲兵〕分駐有陸軍各地設有駐吉兵備分處至防軍自光緒三十四年遵陸軍部章將捕盜四十營裁減編改爲巡防馬隊十五營步隊十七營嗣益以樺甸縣之步隊一營計十八營共馬步三十三營分爲五路中路步隊五營馬隊四營計九營駐省城蛟河大嶺山河屯樺甸一帶前路步隊二營馬隊四營計六營駐延吉琿春大新立屯一帶後路步隊三營馬隊三營計六營駐賓州五常長壽阿城雙城夾板站一帶左路步隊四營馬隊二營計六營駐三姓及三姓之五站塔城蜂蜜山一帶右路步隊二營馬隊四營計六營駐新城敦化雙陽伊巴丹站燒鍋甸子伏龍泉一帶各劃地段以重防務巡邏周匝以重勤務原設巡防營務

處旋裁去與陸軍均歸於督練處督憲爲三省督辦各撫憲爲會辦以次有總辦幫辦參議提調文案支發等官宣統二年奏准以防軍歸併陸軍成鎮於十月朔成立吉省素多鬪匪於先一年已奏派記名提督孟公恩遠督辦防勤事宜今仍其舊特加痛勦民害頓除所有著名大盜李三省逸匪首要熊成基均由撫帥飭屬拏獲

正法

乞救蒼黎水旱災年年蠲振

主恩推考求實業思賢吏兩漢循良妙選來

宣統元年夏大水爲數十年所未見蠲租振粟極意撫綏全活甚衆其餘旱潦偏災亦時時入奏

幕職需才自辟除預參機密省文書提綱更得新猷贊 鷄塞從公借箸初

今之一二三等祕書官暨書記官卽漢晉時之幕職得自辟除公署又置書記處提調二員承上啓下贊畫一切其提調爲准補五常府在任候補道南昌萬觀察

繩武幫辦提調爲南昌沈直隸刺兆禕宣統二年三月委充吉林省官立中學堂監督又委無錫高直刺翔接辦

願公輿論開諮議欲考民風重調查憲政分籌先務本

地方自治又萌芽

光緒三十二年 明詔立憲三十四年憲政編查館奏定自本年八月始分九年籌備以大權統於 朝廷庶政公諸輿論爲主而憲政內之諮議調查自治

等局相因而及宣統二年 命各省督撫於署內設立憲政籌備處因將元年所設之憲政籌備考核處改設諮議局於光緒三十三年開辦三十四年九月成

立選定同知慶康爲正議長道員慶山內閣中書趙學臣爲副議長調查局因光緒三十三年十月憲政編查館開辦編制統計二局奏請飭各省設立調查局故

將原有之憲政考察局改設以提學司僉事何公壽朋爲總辦至地方自治係民政司總理於光緒三十二年先辦自治會三十四年改爲籌備宣統元年遵憲政

編查館章暫歸諮議局籌辦處兼理九月諮議局成立改爲地方自治籌辦處專辦自治事宜設地方自治研究所省外各地方則設分所先從城鄉鎮入手而府

廳州縣之自治章程亦續經修訂並創辦自治日報分設講習所按諮議調查自治皆因憲政而設故附記於此

一卷周官致太平中西政要表同情治人治法無他術

塞上新猷次第行

中國開化四千年而文明之盛莫尙於周故周禮一經政法之精詳與今泰東西各國所以致富強者若合符契吉省開通視內地稍後恰喜無積習故新政次第推行進步尙速但有治人無治法人存政舉中外同一理無他術也以上公署

民政司 按光緒三十三年始設民政司奏請以存

記道黔陽謝公汝欽試署司使宣統二年六月謝公

告養 特簡交涉使鄧公邦述試署始設司時分

設五科一民治二警政三疆理四營繕五庶務其衛

生一項併入設首科僉事一員旋裁改總科長宣統

元年六月奏升爲從二品倣各省布政使兼管府廳

以下升調補署事件三年五月鄧公調充總理東三

省財政以朱公啟鈐接署

警察城鄉晝夜巡詰姦除暴志安民總司銓政求循吏

澤布鳴麟撫字仁

吉省警政按表列全省面積約一百八十萬方里現劃分區域設警局之處計城局二十三鄉局二十四分區二百四十五共計員弁長警一萬二千一百餘員名每年額活支中錢五百九十八萬零九百九十餘千文延吉由畝捐銀二萬兩外餘由邊務項下開支尙不在內除省城撥有官款外吉林四鄉警費歸吉林府與旂務處徵收大租時帶徵各屬收支警餉亦一律改歸地方官經理城巡則設總局鄉巡則設分局各有警務長城內總局局長爲郭公紹武現又易以金公其相大約以總局轄分局而以地方官爲之監督歸其節制惟省城則城巡轄於民政司鄉巡轄於吉林府省城設有高等警察學堂現總辦爲江右段觀察藩各屬設有教練所以儲警務人才又有田野之警察以護民屯墾戶有國際之警察以保車站商埠有山林水道各警察以安林礦行旅並飭各村莊編練預備警察二萬數千名俾其守望相助而衛生中之潔清驗疫等類亦時時附見焉惟地曠人稀嗣後酌量情形尙須逐年推廣謝公在任時曾兩赴各屬考查

習藝兼籌教養方大興工作訂新章平康欲救沈淪苦

女廠之中附濟良

宣統元年三月民政司詳送吉林貧民習藝所章程並報開工日期由奉批所擬章程尙屬妥協應准如擬試辦等因二年四月又會奏以工藝一端爲教養兼資之本飭民政司於省城巴爾虎門外建設工藝教養所自上年十月開辦將原有慈善事業酌量歸併內分三部曰習藝所以教授年輕子弟學習工藝爲宗旨計設木工靴履皮革機織暨染色縫紉印刷釀造等共八科畢業不限定期以習成一藝能自謀生爲斷藝徒額設一百四十名其性質純乎爲教曰女教養所以婦女之有志工藝及貧寡孤幼不能自存者爲合格擇婦女相宜之工藝令其學習並將濟良所附設該所內仍分別管理以清界限而廣裁成其性質爲教養兼半曰養濟所則收年邁病廢之窮民給之衣食其尙能執業者課以輕便之工藝不遽責以成效其性質則純乎爲養三者蓋以習藝所爲本而以女教養所暨養濟所爲附屬焉按二年秋由巡警局另設濟良所

改築衙齋式不侔江干樓閣亦興修縱橫馬路平如砥 歌舞昇平樂未休

公署及督憲行轅督練公所就將軍署添購民房擴充勸業道署之實業研究所就副都統署改設暨自治籌辦處諮議局皆略仿洋式民政司署以巡道署改度支司署以將軍府改交涉司署以糧餉局改提法司署以滿洲紅旂官地建提學司署及學務公所以正紅旂官房空地建文廟在東門內魁星樓旁又經徐錫兩

總督朱陳兩巡撫率屬捐廉於小東門外另建連同文武各級學堂以及審判檢察等廳一依新式建造故江干三江會館松江第一樓一帶俱起樓閣馬路已將大道興修兩旁各修木路北門大街全鋪木路各路夜然電燈極利行人若沿江再築馬路徧植垂楊則更善矣德勝門外及西關與福綏門內熙春里並有戲園伎館藉以招徠商旅

招徠商旅在交通議關康莊眾論同六幹三支修路線

縱橫省北道西東

撫憲以興地利首重交通議於甯安依蘭蜜山綏遠臨江饒河延吉琿春一帶大修路政有六幹三支之議惜經費不敷未能一時並舉

搖曳公園萬柳條農場工廠望迢遙居人共道江南好

願法長虹駕鐵橋

吉省南門以江為城近年生聚日多頗形逼窄對岸綠樹陰濃名為江南僅隔一衣帶水建有公園及勸業道之農事試驗場西徧另建實習工廠以為惠工之助聘師招徒分科教授以當地所出為准所織綢布毛巾品質精良染色亦能鮮豔所編柳條箱篋尤與日本無殊蠶桑山蠶兩局亦設於是兩岸原有浮橋宣統元

年夏被大水衝去現若駕以起重機能開闢之鐵橋固善否則木橋亦勝於無大興建築闢作民廛商市亦推廣繁區之一端也

難民安置法分三慈善章程經濟參事在必行籌款急

從知實惠不空談

吉林自治研究所官紳以近年鄂省難民攜兒帶女紛至沓來擬三策呈諸公署一授宅分田使皆得所二擇少壯任耕作婦孺入工藝廠三酌留耐勞苦良民實邊其游惰者用火車輪船押令回籍奉批俟飭民政司勸業道妥籌辦理等因

施醫詎敢十全誇妙藥良方用不差保赤心殷苗試種

漿分牛豆替天花

宣統元年六月督撫會奏設立官醫院附設研究會即於會內附設中醫施診所兼引種牛痘復籌設西醫院擇地於通天街建造遷併一院分設中西二院長各專責成闡明醫學以保健康而濟貧乏誠善舉也向來民間畏痘傳染避忌極多今布種牛痘全活嬰孩尤夥

鼠疫流行要預防吸收空氣透陽光若非

宮府厘民隱無數冤魂瓦罐裝

宣統二年季秋鼠疫發生於黑省臚濱府之滿洲里俄而盛行於哈爾濱商埠俄人以瓦罐〔即車箱〕裝赴病院隔離等所日斃一兩百人新會中丞親往該埠創辦防疫局及籌善後之策政府暨督憲亦派中西醫官入會活人無數繼而延蔓於黑省之呼倫臚濱龍江奉省之奉天等府吉省則以長春雙城濱江為最阿城新城榆樹賓州等處次之省城伊通農安等處又次之三省統共疫斃四萬數千餘人 朝廷軫念民依兼恐或起交涉 手詔頻頒發帑金施藥餌無微不至

諸大吏亦奉行不懈得以轉危為安至三年二月疫方消滅車航各路乃交通無阻其間勞費殊屬不資各國良醫在奉天開會研究中國亦派大員蒞會尙無良法以治之也竊謂吉省民間終歲閉戶不透陽光無冬無夏燒火炕衣食住三者無一潔淨即無鼠疫亦不免另生他疾况時症之易傳染乎則平日之衛生不可不講 求也

禁煙立限

詔書嚴強種機關啟厥緘毒草害人除務盡花開罌粟一時芟

洋煙之害將及百年光緒三十二年 朝議禁煙三十四年前中丞朱公於省城設立禁煙總局各府廳州縣設立分局是年仲秋今中丞陳公蒞任重申禁令改

爲禁煙公所以禁煙之要不外禁吸禁種禁種是在於民禁吸莫先於官將部頒查驗六項表式分飭各屬據實填註其迹涉疑似者隨時調所查驗餘如軍學兩界稽查亦嚴至紳商士民之一時未能戒淨者給購煙執照令其按日遞減於總分各所附設戒煙會予以方藥其種煙土地共計二萬零九十餘响部議定於元年下半年起全行禁種乃飭各屬於春夏間一律禁絕改種麻棉麥穀藍靛紅花等類吉省日俄鐵道袤長幾二千里凡路線界內警察所不及之區以及毗連俄韓地界恐有私種情弊又飭各交涉道與日俄領事商明示禁雷厲風行故一年卽已禁絕以上民政司

交涉司 按吉林介奉黑之間昔少交涉光緒二十

二年將軍延茂以邊界鐵路路線綿長奏設吉林交

涉總局於省城凡邊務礦稅森林之事路電租借等

類皆隸焉嗣以東清鐵道廣用吉境木植又設木植

公司附於該局二十五年又以哈爾濱控松花江南

岸其北卽黑龍江之呼蘭界江之下游經三姓而達

黑河入俄之伯力省爲吉黑兩省緊要門戶又爲鐵路總支線集合適中之地俄總監工擬設鐵路公司乃奏設鐵路交涉總局於哈爾濱以爲抵制並設分局於沿線各處派員分理地方稅務鐵路警政亦附屬焉華俄訟事由公司派員會審於此先是光緒五年將軍銘安奏請於甯姓琿三城設承辦洋務筆帖式專辦鐵路游歷保護彈壓事宜二十四年以伯都訥阿勒楚喀鐵路視三城尤繁奏准援案添設庚子拳匪之亂俄占東三省一帶將軍達桂時爲候補同知奉奉天將軍之命往哈爾濱講款婉轉磋商得以

戰兵其後定約東三省地次第交還三十年日俄交
閩將軍長順令各處度地設局以資保護事定旋裁
三十一年將軍達桂會同黑龍江將軍程公德全奏
請於哈爾濱添設道員專辦吉江兩省交涉並徵關
稅將前設之交涉局併入旋以俄議不協總局未撤
故濱江道猶兼總局會辦三十三年二月奏請吉林
長春哈爾濱三處自開商埠長春設交涉局以長春
府爲之總理三月設行省總督徐巡撫朱會奏請設
交涉司以專責任又於長春設吉林西路兵備道兼
理交涉三十四年 新簡司使江甯鄧公邦述

觀察寶慈代理

日俄互闕嚴中立遼瀋同時講外交終化干戈爲玉帛
不令猛虎肆咆哮

二百餘年約最先華俄疆域半毗連幾經勘界碑重立
莫把防秋視柳邊

康熙二十八年與俄始訂尼布楚之約收回雅克薩徼地立碑額爾古訥河畔爲二百餘年無上之光榮其界接吉林省者沿外興安嶺至海山之南爲中國地山之北爲俄羅斯地惟烏底河以南至索倫河爲甌脫地約既定刊諸貞石以昭大信及咸豐四年俄於我東海那穆都魯地方與英構兵乘船帶兵駛入闊吞博勒必屯奇吉屯及費雅喀人所居地廟兒地方舊有分界石碑悉被鑿毀至八年方訂愛琿之約十一年續修界約經侍郎成琦吉林將軍景綸會俄官勘明界址中俄交界以烏蘇里及松阿察二河作爲交界其二河東屬俄國西屬中國建立書寫牌文一面漢字一面俄字上寫俄國土怕倭那拉喀亦耶等字嗣因牌博年久

失修光緒十二年經督辦邊防大臣吳大澂琿春副都統依克唐阿會同俄員覆勘黑頂子交界將以前界牌八個換立石碑並於不接處添立啦薩瑪三字石碑

前後共立界牌十一個琿春屬界距圖門江口三十里立土字界牌蒙古街立啦
 字界牌俄鎮阿濟密與琿春交界之路立薩字界牌瑚布圖河源分水嶺上立怕
 字界牌塔俄交界大樹岡子立瑪字界牌甯古塔屬界瑚布圖河口立倭字界牌
 橫山會處立那字界牌白稜河源小漫岡上立拉字界牌白稜河口立喀字界牌
 松阿察河口立亦字界牌三姓屬界烏蘇哩河口立耶字界牌此屢次分界之大
 要也至吉省邊隘巴彥鄂節羅邊門在省城正北一百八十里為伯都訥黑龍江
 往來孔道東北以額塞哩河為界邊外皆蒙古科爾沁等部地伊通河邊門在省
 城西北一百八十里赫爾蘇邊門在省城西北四百六十七里布爾圖庫邊門在
 省城西北五百六十八里以上四邊門舊皆統於吉林將軍東自吉林北界西抵
 奉天開原縣威遠堡邊門長六百九十餘里遮邏奉天北境插柳結繩以定內外
 謂之柳條邊亦名新邊 高宗御製詩集
 有柳條邊詩侍臣劉綸汪由敦金德瑛皆恭和

**分界東西廿里遙圖門江口去來潮琿春字是綏芬誤
 修約須申第一條**

光緒十二年曹觀察廷杰時以游俄勞績送部引 見呈管見十六條於政
 府當以第一條咨行分界大臣查照茲從東三省輿地圖說附刻本內節錄於後
 俾談時務者有所依據焉一圖們江口地屬要害宜據約劃歸中國也查咸豐十
 年十月初二日中俄續增條約第一條內議定兩國東界其由什勒喀額爾古納

兩河會處以至自白綾河口順山嶺至瑚布河口一白綾河即輿圖興凱湖西北之烏札瑚河瑚布圖河口即今之三岔口在雙城子西一兩國劃界本自分明按圖辨方亦無疑義惟云再由圖布河口順琿春河及海中間之嶺至圖們江口則考之山川無此形勢當日條約必有舛譌蓋瑚布圖河與琿春河中隔大嶺南北分流距數百里何能由瑚布圖河口即順琿春河乎况上文以白綾河與瑚布圖河中隔山嶺既明云自白綾河口順山嶺至瑚布圖河口則此處如果指琿春河亦當云由瑚布圖河口順山嶺至琿春河萬不宜云由瑚布圖河口順琿春河也且接云及海中間之嶺至圖們江口今由琿春河至圖們江口江流一綫陸路歧出固無所謂海圖們江口外亦無所謂海中間之嶺則云由瑚布圖河口順琿春河及海中間之嶺至圖們江口者殆子虛之言耳竊以爲條約琿春河應即綏芬河之譌若云由瑚布圖河口順綏芬河及海間之嶺至圖們江口其東皆屬俄羅斯國其西皆屬中國不但文義通順且山川形勢歷歷可指所謂順綏芬河及海中間之嶺至圖們江口者皆有實據則俄人現在占據之蒙古街阿濟密巖杵河摩闊崴等處重鎮均宜歸還中國中國即於其處設鎮屯兵以固根本而護朝鮮庶幾東北邊防固於金湯萬一俄人狡逞不以綏芬爲界則宜劃圖們江口以東二十里之地爲中國界蓋條約云兩國交界與圖們江之會處及該江口相距不過二十里是明明言中國於圖們江口尙有二十里之地證以上文及海中間之嶺至圖們江口其東屬俄羅斯國其西皆屬中國數語知當日立約時原以圖們江口屬中國圖們江口以東尙有中國二十里之地故云其西皆屬中國若依俄人以圖們江口數十里之地盡歸俄有是東皆屬俄羅斯國西皆屬朝鮮國和約

之所謂其西皆屬中國者
竟無寸土可指有是情乎

吉北韓南溯水源天然國界在圖門不因都護爭持力

間島何由闢妄言

國朝龍興東土崇德二年 王師再勝韓王舉國內附 開國以來
雖未違於屬國之界斷斷焉重為勘定然恭讀 仁廟諭大學士等謂白山

之西中與韓既以鴨綠江為界而土門江自長白山東邊流出東南入海土門江
西南屬朝鮮東北屬中國亦以江為界此處俱已明白但鴨綠土門二江之間地

方知之不明因派出打牲烏拉總管穆克登往查邊界穆克登遵 旨查邊
尋長白至小白山頂審視鴨綠土門兩江之源均發軔於分水嶺故於嶺上立碑

其文曰穆克登查邊至此審視西為鴨綠東為土門既尋得土門江源遂商之朝
鮮接伴使樸權等欲自江源至近該國茂山處設界柵以杜侵越樸權等利其速

行以督工自任後此種種疑案遂由此而生光緒紀元以後圖門江一帶韓民越
墾日多七年吉林將軍銘安督辦邊務吳京卿大激奏准將韓墾民分歸琿春敦

化管轄入我版圖嗣韓王奏懇願將流民刷還九年韓經略使招回流民而流民
戀茲樂土計無所出乃混指豆滿圖門為兩江石碑封堆為分界飾詞強辯冀免

驅逐十一年韓王據一面之詞輒以勘界為請奉 旨允之於是派琿春協
領德玉朝鮮商務委員秦瑛招墾局委員賈元桂會同朝鮮安邊府使李重夏履

勘江源嗣查明圖門江源三一南源爲西豆水一正源爲紅丹水北源爲紅土山
水一按北源乃石乙水紅土山水又爲石乙水之北源紅土石乙合而東南流以
匯於紅丹水當時尙未深悉一惟紅丹水在白山東正對鴨綠江源與碑文東鴨
綠西土門之意相合且勘明原碑應在三汲泡之分水嶺上今碑實爲後人所移
因定以紅丹水爲界而韓員知江已勘明則前所混稱海蘭河布爾哈河卽土門
河亦卽交界江之說已難強辯乃改而專執長白山之碑堆爲據舍江流而求土
門舍圖門江源而求松花江源語皆無賴遂各繪圖而罷十二年更派德玉秦瑛
方朗會同韓使李重夏覆勘十三年同勘茂山以西之江界蓋茂山以西自延吉
至琿春原有天然界限更無可議也此時我勘界員見圖門江界旣已勘明所未
決者不過源頭數水適又查明石乙一水實爲圖門江北源雖非江源之正略與
原界不合而發源處尙在白山東麓遂欲姑退讓數十里循石乙水爲界以稍鑿
其心免致此案久懸乃韓使雖已知圖門豆滿爲二江之誤復知土石封堆方向
不合已更無可抵賴遂又改而爭紅土山之一小水以爲圖門之源是其無據之
說至此已三變矣終以礙難曲從又僅各繪圖而罷而當時所擬設之界牌亦因
此定而未立焉然斯時所爭持未定者僅土門江源紅丹石乙紅土山三水耳而
前此所指布爾哈通河海蘭河爲圖門江及指封堆爲界標有土如門爲土門之
僞說皆經兩次勘明已不敢更道及之矣而圖門江之爲國界久無異議更無論
焉此爲吉韓勘界之案不意甲午一役日在韓城與我搆兵強欲韓之自立實以
遂其侵略之謀及講款事定二十八年韓民越墾琿春一帶之地爲我新設之延
吉廳及和龍分防經歷所轄之一小部分韓民數已五六萬泊乎三十年日俄戰

罷而日人擴張之勢力思於韓發其端既羨圖門江北農產之沃饒夾皮溝金礦之美富長白山森林之豐茂且得之可以拊海參崴之背而斷俄人之左臂於是視線所集一若舍延吉無以爲進取之基者始則借假江之地別爲間島之名繼且繪入韓國之境界蓋圖門江爲天然界限鐵案難移故欲藉土門等種種音訛淆亂萬國之視聽其用心亦狡矣哉三十四年東三省總督爲徐公世昌署琿春副統爲今中丞新會陳公昭常徐公以延吉交涉緊要非都護不能當此重任請諸 勅命帶印赴延督辦延吉邊務而以陸軍正參領楚北吳公祿貞副之其軍隊則邊務開辦伊始由駐長陸軍第三鎮調撥步隊十二標二營右後兩隊是年將該營前後兩隊暨馬三標一營後隊陸續調集分駐各要屯此外工程一營屯田一營係邊務自行組織又由憲兵講習所成憲兵隊並設測繪學堂及陸軍醫院巡防營之前路六營亦歸邊務節制又歲撥款六十萬兩以作經費吳公先奉檄爲調查員既率屬繪成交界細圖上考史乘中稽界碑下采輿論復旁參列國之輿圖記載證以日韓之邦志斷以 國史及諸名家之著述其屬周君維楨王君國琛襄助搜討成延吉邊務報告書若干卷就正於都護而刊布之以破其間島之影射附會藉爲戰守之資都護更持以毅力以延吉爲 祖 宗發祥之地尺寸不肯讓人據理力爭艱險不懼日人卒心折而罷則今日延吉之完全領土誠都護白折不回而得之者也都護旋 簡任吉林中丞時吳公因有要公在奉將邊務交涉委幫辦道員傅公良佐就近經理宣統元年傅公因病請假督撫會奏保吳公爲督辦內稱該員到延吉以來將及兩年以一身爲抗禦保存疆土實屬著有勳勞請升授陸軍協都統並加陸軍副都統銜督辦延吉

邊務得 旨允行吳公接辦於善後一切亦能措理裕如蕭規曹隨世並稱焉

是年七月日使伊吉院彥吉與我外部尙書梁公敦彥在京直接定約略言第一

欸以圖門江爲中韓兩國之界其江源地方自訂界碑起至石乙水爲界第二款

開放龍井村局子街頭道溝百草溝爲商埠准各國人居住貿易日本國政府可

設領事館或分館第三款中國政府仍准韓民在圖門江北墾地居住其地界四

址另附圖說第四欸圖門江北地方雜居區域內之墾地居住之韓民服從中國

法權歸中國地方官管轄裁判中國官吏當將該韓民與中國民一律相待所有

應納稅項及一切行政上處分亦與中國民同至關係該韓民之民事刑事一切

訴訟案件應由中國官員按照中國法律秉公審判日本國領事官或由領事官

委派官吏可任便到堂聽審如日本國領事官能指出不按法律判斷之處可請

中國另派員複審以昭信讞第五欸所有圖門江北雜居區域內韓民之地產房

屋等由中國政府與華民產業一律切實保護並在沿江擇地設船彼此人民任

便來往惟無護照公文不得持械過境雜居區域內所產米穀准韓民販運如遇

歉收仍得禁止柴草援引照辦第六欸中國政府將來將吉長鐵路接展造至延

吉南邊界在韓國會甯地方與韓國鐵路聯絡其一切辦法與吉長鐵路一律辦

理至應何時開辦由中國政府酌量情形再與日政府商定第七欸本協約簽定

後本約各條即當實行其日本統監府派出文武人員亦即從速撤退以限於兩

月退清日本國政府在第二款所開商埠亦於兩月內設立領事館繕備漢文日

本文各二本即於此約內簽名蓋印中丞聞之電達政府詳言得失而於吉會聯

絡鐵路及日員聽審兩條爭之尤力八月以界約既定復親赴延吉巡邊察度情

形設立各級審判檢察等廳並派巡警於日本撤退之時節節填紮二年正月督撫會奏將邊務處裁撤以節省經費二月吳都護交卸督辦入都旋內用蒙古副都統及鎮統四月督憲錫以邊務大定臚陳原辦大員成績內稱中丞對待外人撫馭韓僑力持大體操縱咸宜並在延吉興學校辦屯田練憲兵設巡警以及通電修路衛生各項要政無不次第舉行故能保守主權奠安疆宇等語得旨賞給頭品頂戴現延吉已由廳升府又移原駐琿春之東南道駐延吉農商工鑛礦冶森林之實業日臻發達屹然爲東南一重鎮焉

南滿東清界限嚴分行軌路不容添喧賓奪主防尤力

常恐均思利益霑

光緒二十三年間駐俄使臣許公景澄等與華俄道勝銀行先後訂立合同設立公司興修鐵路至二十九年告竣名曰東清鐵路公司西由黑龍江臚濱府之滿洲里驛起東至吉省之小綏芬驛止計長二千八百一十六里是爲幹路其自哈爾濱分歧南向至旅順口止計長一千八百二十里是爲南滿枝路而大連灣營口兩路又爲枝中之枝日俄戰後由長春之寬城子起轉讓於日本謂爲南滿鐵路查此項鐵路係中俄合辦之一部分俄雖讓於日而我國合辦之權利與已投之資本固在也詰問再三日人乃謂由血戰得之亦太不講公法矣而東清鐵路又有展地之事三十三年七月俄人欲由小綏芬交界站起西至阿什阿車站

止共需地五萬五千响經將軍達桂飭濱江關道與該公司總辦霍爾
窪磋商未決旋由俄使璞第與我外務部直接定議遂立展界合同焉

鐵道縱橫接日俄每因交涉費磋商法權國籍如遵守

那患夷民越墾多

日俄交涉關乎鐵路者多有鐵路巡警之交涉鐵路捕匪之交涉鐵路稅務之交涉鐵路購地設站之交涉他如航業漁獵業並各項營業以及開礦伐木等事均須隨機應付而東北一帶琿春臨江依蘭蜜山等處與俄接壤東南一帶敦化濛江延吉樺甸各屬與韓毗連故越墾者有俄人韓人兩問題光緒十六年將軍長順曾有韓民之越墾者概令薙髮歸順之議現中韓約內有受我法權一條已於延吉設有檢察審判等廳又由憲政編查館定有國籍法韓民之入籍者已居多數俄人自應一律

路政先須審地圖從違智不惑歧途吉長吉會分輕重
自築人爲况又殊

吉林省城至長春鐵路二百四十里前因東清鐵路工竣俄人希冀展築屢以爲言吉林將軍長順恐利權旁落於光緒二十八年六月估定建築工費應需銀二

百六十萬兩奏請專歸中國自辦經外務部議以請飭戶部先籌的款銀八十萬兩以爲基礎不敷之數即由吉林就地籌集華商股分旋准戶部議令將吉省自

籌暨招商之一百八十萬兩撥給奉 旨依議而俄人時以歸華自辦之難歸公司接辦之易屢向絮聒將軍長順等堅詞駁阻彼終未廿一再瀆請復有與

公司擬定合同十六條改歸公司修造之奏未幾日俄構兵無暇及此年餘未經提及將軍達桂以草案逾限應歸無效仍向爭回自修於三十一年十月擬將吉

省官帖銀圓兩局餘利及公款內動用先期購料興修奏請飭由北洋大臣袁世凱督辦 朝議肆之三十三年三月准外務部咨吉長鐵路已與日本林使商訂

條款七則奏准通行到吉此約內載吉長鐵路借款合同辦法其遼河以東一段所需款項向南滿公司籌借一半吉長鐵路所需之半數亦向該公司籌借各等

語約既宣布自難反汗吉省紳民不識事實之內容援蘇杭甬之例欲爭回集股自辦一時潮湧波翻幾不可遏不知蘇杭甬草約係銀公司一商人之資格且逾

限不辦約早作廢江浙人爭之宜也而吉長鐵路則根據條約關於國際交涉之問題既經政府畫押豈易取銷二十四年秋今中丞陳公抵任以此意明白示諭

紳民亦遂無言旋將路線勘定兩國交涉亦經郵傳部會咨外務部派鐵路局長梁士詒與日使阿部守太郎商定續約七條奏准借日幣二百一十五萬圓年息

五釐九三扣宣統元年九月郵傳部來咨內開吉長鐵路將次開辦前經派麥道鴻鈞爲總辦長春道顏道世清爲會辦在案麥道現請病假改委存記道傅道良

佐爲總辦除全路購地及查辦路款暨接洽地方紳商由顏道主持會商辦理外餘由傅道主持毋庸會商以期迅捷等因是年冬訂有購地章程二十二條二年

四月朔開工約計三年秋可以開車雖借款自修然交通極便視吉會聯絡之約利害迥然不同

開埠通商各設關稅章遙其約章頒舟車來往飆輪速

盛世航梯徧海山

光緒元年五月督撫會奏略謂吉省開埠之區爲吉林省城長春哈爾濱琿春三姓甯古塔六處以吉林省城長春哈爾濱三處最關緊要哈埠爲俄鐵路總站所彼國逐歲經營已成屹然重鎮及我國宣告自闢商埠則已人取膏腴我得邊瘠人有市場我無商埠矣若夫長春爲日俄鐵路之交點日之視長猶俄之視哈數年以來漸次規畫其車站界線以內固已闡闢相望商務勃興節節布置不遺餘力可爲駭懼吉林省城三年以前有俄人而無日商近稔之中漸有來者一俟吉長鐵路開工各國商民聯翩而至日人之最占多數當可預科我若無已經成立之商埠恐又蹈哈埠之前轍是以開埠一事斷不能以欸項無着再事因循查兩埠購地築路建屋設警諸要端切實估計非有欸各一百萬兩必難視厥成功懇請飭度支部撥借經費二百萬分三年請領俟吉長設關徵稅後陸續歸還旋奉

硃批允准吉林省城開埠局委交涉司僉事傅彊爲局長而以交涉使督率之長春開埠局委准補新城府張鵬爲局長而以長春道督率之至哈爾濱之濱

江關三姓之護江關琿春之琿春關皆已設立照章徵稅

裁判華夷訴訟平招工傳教訂章程外人若納中邦稅
商業何妨大小營

凡有交涉之區皆設檢察審判等廳以理訴訟其招工傳教一
循定章又定有中外營業各稅並外人租屋章程以上交涉司

提法司 按吉林未設行省之先一切刑名詞訟由
將軍署之刑司核轉光緒八年奏設吉林分巡道兼
按察使銜將吉林伊通敦化長春農安伯都訥五常
賓州雙城等廳州縣民刑案件改歸該道核轉而各
城副都統所屬旗人案件由各副都統逕達軍署仍
歸刑司核辦三十三年四月欽奉 上諭設吉
林提法司掌理全省民刑總匯監督各級審判檢察

廳及辦理司法行政事務而以省內外罪犯各獄所附屬焉是年六月司使滇南吳公燾蒞任將歷年所辦已結未結各案移司彙核辦理是爲司法獨立之始三十四年二月復將刑司裁撤歸併提法司旋遵部章分設四科曰總務曰民事曰刑事曰典獄仍設首科僉事一員

後裁改
總科長

至各級審判檢察廳則光緒

三十二年八月已將行營發審局所設之裁判所改爲高級審判廳三十四年復於省城增設各級審判廳以原有之高等審判廳改爲吉林府地方審判廳辦理境內民刑訴訟案件設吉林府第一第二初級

吉林縣志卷二
審判廳辦理境內輕微案件另設高等審判廳辦理
全省上控案件各廳均附設檢察廳以維持監督之
按照定章凡不服初級審判廳判結之案准赴地方
審判廳申理不服地方審判廳判結之案准赴高等
審判廳申理以補用道錢公宗昌爲高等審判廳丞
奏請以存記道史公菡爲檢察廳長現初級地方審
判檢察廳長春延吉賓州新城已設琿春農安亦設
分廳

審判廳連檢察廳民刑兩事各開庭三權獨立先司法
明允臯謨有典型

所開講習養人才審判精研法學該

明詔現行刑律布甘棠先向

帝鄉栽

光緒三十三年籌設審判講習所招學員一百二十名講求中外法律章制三學期至宣統元年畢業其前後設立者爲監獄科司法巡警科司法養成所又設立司法會議所以研究法學並刊布提法官報
二年春 詔頒現行刑律吉省亦已實行

刪繁就簡律新修參合華洋說理由六埠通商廳設半

強鄰治外法權收

吉省通商六埠皆應設商埠檢察審判等廳除省城長春琿春現移延吉三埠已於宣統二年設立外餘若哈爾濱三姓甯古塔三處亦限於次年設齊

田產婚姻契約明仿行登記自邊城鼠牙雀角無人訟

一紙潛消兩造爭

宣統二年六月法司吳提議以吉省己立審判廳各處每年民事案件田產婚姻居大多數如關於田產則盜賣冒占隱匿重售偽造文契之事層見迭出關於婚姻之事則一女兩聘偽造婚帖及悔婚之爭紛至沓來各廳員既無實在證據之可查又因兩造供詞之各執欲下判決萬分爲難因思各國設有登記制度附於區裁判行之既於人民得所保障復於司法費用有所取資一舉而兩善備焉擬於延吉府先行試辦然後推於各處亦清訟之一道也

**監獄從前制未完經營省獄示其端傷痕檢驗沈寃洗
學習平時不憚難**

宣統元年八月法部議覆御史麥秩嚴改良監獄一摺吉省法司因詳定改良各屬監獄辦法省城舊有大獄一所建於康熙十五年向歸刑司管理湫隘不堪光緒三十三年九月另擇司署旁滿洲紅旂官地一區請建省獄越一年落成改從新式以作模範又督撫會奏以折獄莫重於人命斷獄必準諸屍傷檢驗一事實司法之要圖改件作爲檢驗吏比照吏員給與出身設立檢驗學習所由各府廳州縣考選年在二十歲以上文理通順者送省考取入所肄業學科以洗寃錄爲主課而以醫學生理解剖理化法律國文修身體操附焉至一切形模標本器械亦均備購

習藝分科教罪囚折工年限代徒流精勤不祇謀生業

化莠爲良智慮周

省城罪犯習藝所係光緒三十三年前將軍達桂創設歸吉林道管轄改省後隸提法司旋經詳准整頓辦法聘工師教製操靴另設織工縫紉木工三科織工專製地毯門帘墊褥等物並兼織帶巾縫紉工專製軍衣操帽並代鋪家定製各種衣服木工專製西式桌椅櫃匣及各種精緻器具兼學油漆以臻全備以上提
司法

提學司 按吉林向無學政由奉天學政兼理生童

歲科試赴奉天寄考同治九年紳士于凌雲慶福等

始在學宮東偏捐建考棚名曰吉林試院經前將軍

奏准嗣後吉林歲科兩試奉天學政如期按臨並准

黑龍江生童附試著爲合光緒庚子後各直省奉

詔興學吉省以四郊多壘未遑設立三十年十

二月乃遵部章於省城先立學務處就舊有書院改
設先後就書院義學改建師範學堂五關小學堂昌
邑屯白山小學堂三十二年四月 廷議裁撤各省
學政改設提學使司提學使統轄全省學務歸督撫
節制二十日奉 上諭吉林提學使着吳魯署
理欽此吉林學務始有定職是年冬提學使吳公自
日本考察回國十一月到任視事遵章將全省學務
處裁撤卽以該處房屋改作學務公所並據學務處
總辦黃比部琮將所有收支各款移交接收遴委議
紳課員分科任事計設總務普通會計圖書四課其

專門實業兩課暫行緩設二十三年改設行省仍遵

新章設首科僉事一員

後裁改
總科長

三十四年吳公內用

特簡長沙曹公廣楨繼其任乃極意整頓振興

至宣統元二年間凡中小學蒙養男女師範女子兩等小學農工商礦等實業學堂一律建設計全省學堂已有三百餘所內官立者二百數十所公立者四五十所私立者僅數所又簡字半日各學堂八百餘所二年夏五月又捐廉奏設圖書館首儲四庫之書兼收五洲之本附設教育品陳列所分類羅列俾學者於鈔誦之餘得收博覽之益暫就省垣初等小學

吉水新學言 卷二
堂閒屋開辦並將書籍圖畫減價發售又設閱書報
室提倡捐置各書籍以網羅舊聞擴充新識前學使
吳公亦曾捐廉五千兩因建官立中學堂早經挪用
故此次創辦不易云

教育師嚴道自尊普通功課進專門學堂各級因時立
館闢圖書試討論

殊途未必盡同歸宗教尊崇孰是非廣布春風時雨化
菁莪棫樸蔚

邦畿

吉省宗教各殊甚有流入邪教者今學
堂徧立澤以詩書之化自易殊途同歸

遐邇分行視學員考查庠序徧三邊白山黑水

陪都地首把

朝廷

德意宣

省視學六人由學使詳請督撫札派承學使之命令巡視各府廳州縣學務府廳州縣視學每處一人由學使札派兼充學務總董常駐各府廳州縣城由地方官監督辦理學務並以時巡察各鄉村市鎮學堂指導勸誘力求進步暨改良私塾又在省垣創設勸學總所兼宣講所爲各屬模範省垣又有三路宣講所現府廳州縣亦多設焉

法政長期與速成東西中學擷精英聞風千里能興起

講義分頒校外生

光緒三十三年前將軍達桂奏准以課吏局改設法政館委錢道宗昌爲總辦旋在德勝門外建築法政學堂招考學員二百名自費生二十名以育人才宣統元

年吉撫照憲政編查館咨開會同吏部奏准切實考驗外官章程飭各省仿京師法政學堂之制設立法政學堂令保舉捐納兩項人員及招考之士紳入堂肄業長期者三年畢業速成者一年畢業又采湘省法政官校附自修科編發講義之意令各省除應入學堂各員仍分別入堂肄習外其餘無論現任及有要差者均須領取該學堂講義自行研究遇有疑義隨時函詢學堂答覆每屆一學期將所圈講義及研究心得作爲筆記卒業獎勵准其與本省士紳一律辦理以昭激勸

吉省已於二年春間遵章開辦
現監督爲保靖瞿部郎方梅

足貴天然不用纏婚姻太早恐傷年神權迷信尤虛幻 彙入鷄陵勸俗篇

滿蒙婦女向不纏足漢族久居亦多潛與之化惟新至官商士農之眷屬尙不免爲俗所囿近年有天足會演說令已纏者解放未纏者禁止此風亦漸改矣又婚嫁太早於力學衛生均有妨礙以及廟會等類近於迷信神權教育官報於改良風俗三致意焉按鷄林一作鷄陵

生聚遷移庶類蕃講求實業富元元女師保姆皆傳習

蒙養規模幼稚園

生聚日繁宜求實業吉林各項實業學堂已漸設立省城女子師範學堂內附設兩等女學堂及保姆傳習所又有蒙養學堂即幼稚園之制以上提學司

度支司 按吉林財政向皆分隸於戶司及稅捐各

局苦乏統一機關光緒三十三年改行省設度支司

一缺以奏調存記道閩中陳公玉麟試署十二月奉

硃批着照所請欽此是月到任一切職守照

各直省官制通則專管租賦倉糧銀庫旂營官兵俸
餉及各項財政出納事務並照吉林添設司道各缺
原摺就從前之戶司併設以山海土稅局菸酒木稅
局餉捐局糧餉處木植公司官帖局官蕩局蕩藥稅
局寶吉局銀元局先後歸併此度支司成立之大概

情形也此外改章徵收者有山海稅局裁併者有寶
 吉局併銀元局濩藥稅局併山海稅局內木植公司
 易名為木票局新增者為官運局整理者為官帖局
 附設發行銀票處其設科分職辦法照吉林添設司
 道各缺原摺先設首科僉事一員後裁改
總科長餘暫緩設而
 以委員分任其事首科僉事掌承度支使總理各項
 財政事宜並領各科科分為三曰總務曰賦稅曰俸
 餉總務科設文牘稽核會計庶務四股賦稅科設糧
 租稅釐兩股稅務科專管收入俸餉科專管支出而
 以總務科總集其成凡司署所設各局所及地方府

廳州縣文件均以類附屬各科各局向皆有總理專辦今則局仍其舊其總理皆改爲幫辦以一事權宣統元年閏二月陳公奉旨補授四月赴都

陛見以道員粵東黃公悠愈署理九月回任二年正月陳公開缺奉旨以勸業道嘉定徐公鼎康繼其任旋補授

歲計盈虧職度支清釐財政算無遺稅捐餉俸諸科掌
圓法銀行要主持

吉省財政困難情形具於元年閏二月初八日督撫會奏一摺內略稱查吉省從前入款每年約共銀二百一二十萬兩其收入欸目曰大租即地糧曰餉捐即七

四九釐捐曰田房稅曰菸酒木稅曰山海稅曰斗稅曰葭藥稅曰木植票費曰官帖局三成餘利曰戶部協餉以上各欸以捐稅爲大宗而惟餉捐爲儘徵儘解其

他均係各衙門派員包額徵收經徵者除解足額欸外悉歸中飽自前任將軍達桂臨卸任時始於請停協餉案內將加徵之菸酒木稅欸項提出而入欸歲增五十餘萬兩自改省設度支司後經臣等將山海稅斗稅及各稅捐一律改爲儘徵儘解復飭將舊時所有規費酌提入公而入欸又歲增二十餘萬兩綜計每歲入欸約共合銀二百七八十萬兩比舊額計多加七十萬兩有奇是爲今昔歲入之比較又查從前出欸每年約共銀二百餘萬兩收支相抵儘可敷用自改省後需用浩繁除公署及五司各道本衙門公費外其隸於各司道者則有省垣及各屬巡警費新設治各府廳州縣之補助費徵收稅務及其他關於理財費各項學堂及其他關於教育費各級審判檢察廳監獄及其他關於司法費設關開商埠及其他關於交涉費墾務礦務及其他關於實業費其不隸於各司道者則有軍政費邊務費旂務蒙務費交通費禁煙費籌辦諮議自治費此外尙有一切開辦費建築費及常年活支各費總上所列共每歲約支銀五百萬兩比舊額約加多三百餘萬兩是爲今昔歲出之比較就光緒三十四年出入核計不敷之數約銀二百二十萬兩加之奉部停撥餉歸自籌之欸則有延吉邊務費六十萬兩三省分攤陸軍混成協一協原餉七十餘萬兩除本年豫算之應興應革各要務尤須特別巨欸不計外合前併計不敷已共銀三百六七十萬兩矣一按吉省宣統三年豫算歲入共銀八百四十四萬零七十餘兩歲出共銀九百三十四萬二千七百一十餘兩出入相抵計不敷銀九十萬二千六百四十兩有奇一從前吉省財政係由將軍衙門戶司綜筭歷任交代向少清查拉雜紛亂不可究詰而各稅捐等局又各立機關如省城之菸酒木稅向歸將軍衙門山海稅則歸副統衙門斗

稅則歸吉林道民稅則歸各地方官缺分之優腴在此財政之紊亂亦在此稅權不一名目孔多實歸公用十無三三以致農商並困百度未舉今雖力清積弊咸與維新但已免各項浮收正額固自有限而欲議別籌捐款民困實有難堪再四熟思殊乏良策然此猶不過財政困難之一端耳其最爲危險最難整頓者則爲錢法一事曩歲雖曾經設銀圓局鼓鑄銀圓而所鑄本屬無多繼設官帖局逐年增發漫無限制底貨日空遂成不換紙幣而官帖又決難通行外省以致現貨幾於絕迹市廛卽間有外來者轉瞬旋復輸出市面周轉全恃官帖官帖日多現貨日少現貨愈貴官帖愈賤近日銀錠一兩約值官帖五千有奇龍銀一圓約值官帖三千有奇小民所重在日用持不換紙幣則何所得食商貨必運至外省照如此銀價則所損實多是以百物翔貴民病莫蘇商業寔衰國計亦困卽就餉捐一項計之前歲收吉錢六七百萬串者已銳減至三四百萬串蕭條景况大概可知再越數年何堪設想且外幣勢力乘虛而入哈爾濱以東已成俄幣範圍延吉一帶將爲日幣範圍長春等處則成日幣俄幣交爭之範圍去年以來日俄銀幣一圓均約換官帖四千有奇虧折情形實較英鎊尤劇長此侵蝕伊於胡底此誠吉林財政困難之最大原因也臣昭常到任後與臣世昌反覆籌商特將從前將軍衙門所收菸酒木稅及原有捐稅各局之例規概行提出不敢稍留私利有負國恩約歲增銀七八萬兩如田產稅契贏餘向歸各地方官飭酌提歸公約歲入銀十餘萬兩如吉省食鹽向皆運至外省飭興辦吉林官運局約歲入銀五十萬兩更飭度支司將省外各稅捐局次第裁撤於省城設立稅務處各屬陸續設統捐局將所有稅捐一併徵收統計以上各項約較前歲增銀八九十萬兩現仍

力求擴充以期將來之進步並擬籌辦營業稅改良稅捐以爲商稅統一之法凡現時進款之可籌較有把握者大都盡於此矣至補救錢法勢非速鑄現貨決難濟官帖之窮故臣等於去冬奏准搭鑄銅圓並飭於官帖局附設發行銀票處行使銀票銀圓票以昭信用而便商民且爲收回官帖之豫備但計從前所發官帖已約在四千萬串以上至少亦須百萬餘兩現銀隨時鼓鑄方足以資周轉但此猶僅爲挽救現狀而言如欲永杜流弊非籌設官銀號不可因擬於省城設總銀號更於各屬之大市場及奉江兩省之通商各處設分銀號蓋必有總銀號以便匯款存款則金融方能活潑而現貨庶不致溢出必有分銀號以便發款交款則銀號方有信用而紙幣遂易於通行如此則商民便利度支充裕相輔而行所關非細但非預集三四百萬金未敢遽言興辦也以上所籌理財辦法蓋爲現時切要之圖而決無疑義者至久遠之計畫則尙不在此夫吉省之土地非不饒也山川之蘊蓄非不富也惟其財多不見於地面其利不能拘於目前而欲關利之大小必先以資本之多少定之亦人所盡知者苟今日各省能以其餘利助吉則異日必能以所得之利還助各省初非黔桂新疆等省之長賴協濟者可比也且日俄近於各地調查無不透澈若再昧焉不察外人勢必出其資本盡其手段起而代謀不但地利未能自保而國計且將不堪臣等職分所繫日夕憂危誠有不敢畏難自安者謹就管見所及不能不及時籌辦而又非吉省財力所能籌辦者約略陳之吉省土產最利實業曩者但知自保不求發達以致利乘於地外人因而生心於是飭勸業道調查礦務林業試驗農事蠶桑及造紙印刷各工廠以爲商民先導約計歲須銀二三百萬兩吉省辦墾多年仍多荒地伏莽難除強鄰窺伺

實邊之策允爲要圖於是擬於東北各邊實行移民招墾屯田諸要政約計須籌銀四五十萬兩查琿春爲吉省東邊要塞由圖門江入海僅百餘里實東境天然之一商港屢經確查洵屬利便雖近海江岸已歸俄屬而援照公法實可通過早未計及殊爲失策於是擬開通琿春海港約計須銀五六十萬兩又吉省有松花圖們黑龍三江其經流皆在千里以外支河歧流分貫全省水利之美無過於此乃因向少舟楫輸運不通民氣閉塞良足興歎前於松花江試行官輪商民便焉於是擬統辦三江航路約預計銀四十萬兩是四者皆爲生利之事業苟有資本富國裕民悉具於此他如森林礦產原爲吉林最大之財源尤須賴絕大之資本非專恃官欸所能濟事現正擬設法招股募債以期逐漸興辦故不與前四項並論焉再者吉省向少民官治術疏闊邊荒土曠難保治安是不可不速籌設治查奏定籌備憲政章程舉凡各級審判廳及全省蒙小學堂城鄉巡警均限於宣統七年內一律成立則司法學務警政是不可不速議擴充又准陸軍部奏定各省練軍新制吉省應於兩年內自練陸軍一鎮則軍政是不可不速謀推廣統計須欸應在數百萬兩以上凡此雖同屬分利之事業而實爲國計民生之要圖是皆整理財政者之必統籌預計者也臣等硜硜之愚既怵於中外之大勢抵制乏術復迫於吉省之財力籌措無方明知帑藏奇絀未敢呼籲司農視此大局攸關又何敢因循坐誤合無仰懇 天恩垂念吉林關繫綦重財政異常困難應如何統籌全局綜核財力不僅以尋常省分視吉之處 飭部妥議覆奏如蒙

逾格鴻慈 俯賜垂鑒俾臣等得以秉承 聖謨次第設施庶中外皆曉然於 上意之所注外強阻怯羣情奮興自是以期治理而鞏邊陲吉林幸甚

國家幸甚等語是月二十一日奉 硃批該部詳慎議奏欽此旋准部議略言

以吉省從前歲撥官兵俸餉銀十餘萬兩嗣因稅捐暢旺經前任將軍達桂奏請

停撥尙有捕盜隊餉銀四十萬兩光緒三十三年十一月該省因籌辦邊務請撥

銀六十萬兩經臣部奏明撥給一次三十四年十二月該省續請照撥臣部即以

庫款支絀無可指撥奏令就地籌措在案查原奏所列歲出各項如巡警理財教

授司法交涉實業軍政邊務旂務蒙務交通禁煙籌辦諮議自治等費以及開辦

建築活支用項均未列細數無憑確核至留東陸軍第一混成協原餉七十萬兩

既據原奏聲明三省分籌而又列入吉林一省支數之內是所謂歲出不敷三百

六十萬兩者不過約舉大數並非實在豫算至原奏稱補救錢法一節查各省官

銀錢號濫發紙票經臣部前於妥議財政辦法摺內業令各省將各銀號限令六

個月詳細列表送部稽考並聲明官銀號發出紙票各疆臣既濟此利源自當擔

此責任吉林設立官帖局歷年發出繳回銷燬各細數及積存成本數目未經報

部有案茲據奏稱此項官帖已發至四千萬串以上爲數太鉅自不能不亟圖收

拾應即遵照臣部前奏清查財政辦法一面將發行準備數目經理協理銜名報

部稽考一面即責成該省清查成本追繳商欠將此項官帖設法收回其換川之

銀票銀圓票尤當妥籌準備勿得任意濫發致滋流弊吉省在東三省中物力最

爲饒裕若將各項新政擇要興辦徐圖擴充則就地設籌未始無尺寸之效等語

三月二十五日奉 旨依議欽此蓋庫款竭蹶難於撥給也是年度支司呈指撥支發各款清單內開一旂營官兵俸餉並文報局抵款大租地丁契稅雜稅約五十五萬兩一公署軍餉巡警局軍械局營務處督辦處抵款京餉四十萬兩九

釐捐約五十萬兩旂地大租五萬五千兩一常備軍陸軍小學堂督練處陸軍三
鎮張翼長各營抵欸酒稅約三十五萬兩煙稅十萬兩一公署雜支抵欸木稅約
十萬兩一法政實業方言巡警四學堂抵欸煙稅十五萬兩一交涉司哈道長道
抵欸木植洋票費約二十萬兩一提法司各級審判廳抵欸七釐捐十二萬兩一
民政司抵欸七釐捐五萬兩一提學司並各學堂抵欸三成歸公七萬兩各處生
息一萬兩四釐捐十二萬兩一勸業道官輪山蠶蠶桑礦政各局實習工廠農事
試驗場抵欸木植票費五萬兩煙稅三萬兩林業山分官輪水腳金稅一諮議自
治局抵欸營業稅二萬兩官錢局餘利八萬兩一度支司抵欸斗稅盈餘三萬兩
一撫院及各司道養廉公費抵欸官運局餘利二十萬兩一邊務抵欸哈道關稅
十萬兩山海稅盈餘十萬兩一旂務處抵欸大小租長餘三萬兩一調查局抵欸
參藥稅盈餘一萬兩一官報局抵欸參藥稅盈餘五千兩以上總共抵欸實銀三
百四十三萬兩一禁煙經費由官膏局籌一設治經費約四十萬兩一特別用費
約六十萬兩一委員出差川資約五萬兩一官醫局經費約一萬兩一馬路經費
約十四萬兩一建築經費約三十萬兩以上六筆約需實銀一百五十萬兩無欸
可抵旋永衡官銀錢號於上海天津營口長春哈爾濱北京等處開設分號以資
匯兌度支部亦設有大清銀行又元年閏二月度支部奏派四品京堂熊公希齡
爲東三省清理財政官以荆王政性成副之後易以樂公守綱吉省旋設清理財
政局以便按期造送豫算決算各表二年四月十六日奉 上諭中國國幣單
位著卽定名曰圓暫就銀爲本位以一圓爲主幣重庫平七錢二分另以五角二
角五分一角三種銀幣及五分鏤幣二分一分五釐一釐四種銅幣爲輔幣圓角

分釐各以十進永爲定價不得任意低昂等因欽此按吉林通省錢以五十爲百銅圓則以四十爲百伊通以西以十六文爲百又有羌帖手票老頭票屯帖大小中外銀圓價值之不同銀之平色亦各異若國幣通行以後或可劃一幣制也

廉泉鶴俸數輕微缺地相懸見瘠肥大小官衙公費給

平均穀祿制遵依

宣統二年二月督撫會奏爲創辦經徵局勻定府廳州縣各缺公費以清積弊而勸廉隅一摺略言伏讀光緒三十四年五月

上諭有人奏請勻定州縣公

費以期久任一摺所陳切中官場積弊著各省督撫體察情形分別妥籌辦理等因欽此查吉省府廳州縣進款向以契稅性畜稅兩項爲大宗從前徵收漫無定章每年額解無多餘皆入己上下相蒙久成習慣以致財政紊亂無從清理臣到任深知其弊飭司改訂稅章並做照湖北及各省章程添辦典當稅契令其儘徵儘解不准再有額解名目核計全年收數較之舊時額徵已盈數倍本可卽此勻定各缺公費但新政繁興一切用款較費於前不能不從寬撥給又恐邊地民生瘠苦未便遽增稅則設所收不敷所出虧累堪虞故未敢輕舉妄動暫准各屬截留一半以資補助嗣於上年八月間准度支部咨行酌加契稅試辦章程二十條當卽轉飭遵辦維是地方官任重事繁稅務紛紜斷難兼顧既不能親自稽徵勢必委之書吏若輩惟利是圖罔知顧忌作威作福予取予求縱教立有科條而陋

規名目繁多層層蒙蔽何可勝查是非另行設局經徵不可且缺之肥瘠必視稅之衰旺以爲衡稅旺則取多用宏盡歸私橐缺瘠必多方羅掘勢必擾民天下庸有知足不辱之官斷無毀家爲國之吏始而不肖者漁利以開其端繼而自好者亦隨俗而免累且新設各缺非地曠人稀卽事艱路遠邊荒要隘籌備尤不容疏既無利之可圖咸相戒而裹足若不下情曲體尙何吏治可言是則又非勻定公費不可但此項公費爲數甚鉅如果概由公家籌發其何能給惟有卽將此項稅款撥爲勻定公費之用挹彼注茲庶可相抵因飭度支司先於省城設一經徵總局各府廳州縣均設分局將所有契稅牲畜稅概歸該局徵收定於宣統二年二月初一日一律開辦卽責成各地方官稽查使其互相監察以杜滲弊而昭核實惟吉省契載價值多係錢數向按三千三百文作價銀一兩今銀價昂貴民力實有未逮前經諮議局集議呈請依照市價增加經臣核准按照定章酌加錢一千文以示體恤紳民均無異議所有稅銀仍遵部章辦理至牲畜稅陋規業已革除而局費票底錢文向爲收稅人等辦公之費勢難盡去應參酌奉天現行章程酌量減少以恤民艱著爲定章俾資遵守此創辦經徵局之大略情形也至各屬缺分繁簡不同若不預爲籌算恐將來苦樂不均卽於吏治有礙經臣疊次督飭司道悉心籌議參以各屬報銷之數酌中擬定各府每月酌給公費銀一千兩繁缺另加津貼各廳州縣分最繁缺繁缺中缺三等最繁缺每月酌給公費銀八百兩繁缺七百兩中缺六百兩佐貳各缺亦一律普定公費以免枵腹從公遇閏按月照加卽由就近經徵局按季撥給以省領解之煩自經此次規定之後所有一切陋規概行革除如再有私取民間分文者卽以贓私論其向來各項攤款自應由

司另行籌撥概免流攤此勻定公費之大略情形也按督撫司道公費已於光緒三十三年及宣統二年兩次奏定計總督六萬兩巡撫三萬六千兩民政司一萬四千四百兩交涉提法提學三司各一萬二千兩度支司二萬四千兩勸業道九千六百兩西南路道一萬二千兩

奉行新政首

留都歲入雖增出不敷整頓稅釐增卅倍剔除中飽濟邊儲

吉省菸酒兩稅從前每年僅額徵銀五萬四千二百餘兩前署將軍達桂奏請援照直隸章程改章加徵除額徵照舊抵撥俸餉外餘皆儘徵儘解以充常備軍正餉及辦理一切新政之需計自光緒三十二年四月起至三十四年三月底止計兩年每年實溢徵銀六十餘萬兩至木稅一項向亦軍署直接徵收稅項之一每年僅額徵銀三千七百兩改設行省以來各項稅務均已分別改徵惟此尙沿舊制今中丞陳公到任後亦化私爲公飭經徵各員認真整頓儘徵儘解計自光緒三十四年正月起至年底止共徵吉錢四十四萬七千餘串奏明作爲諮議局籌辦處的款其菸酒兩稅切實整頓亦更逐歲多收綜菸酒木三稅自改章後合計每年竟溢徵銀一百四餘十萬兩之多視舊額頓加三十倍已將在事人員擇尤保獎矣

憲政年新用款加田多隱賦議清查區分等則齊弓尺

不使民間賦率差

吉省田之大小賦之有無多寡極不平均議從清查入手以歸一律而公家亦不無小補

九年立憲款分籌條列清單擘畫周

國會速開期更促預從財政問源流

九年立憲籌款已覺爲難現改爲五年度支更爲不易已條列清單詳請入奏矣

憲政編查統計先東陞財用表分填職司出入周官法

決算嚴明豫算全

光緒三十三年憲政編查館奏統計一項在各省者現由臣館於請設各省調查局章程內聲明由督撫飭令司道及府廳州縣各衙門添設統計處就該管事項

按頒定表式分別填送彙呈考核等因吉省於宣統元年一律遵設度支司爲全省財政總匯之區尤關緊要業經由司委陸軍部主事江右王盛春爲主任員督

佐任各員經理其事按泰西豫算即周官職內所掌賦入之事決算即周官職歲所掌賦出之事而大宰大府九式之法司會司書會計之方具於是焉其表式亦即龍門世表年表月表之遺我國以之理財維新猶復古也

界分水陸緝私嚴官運商銷課驟添意在便民章更改

贍軍富

國比南鹽

宣統元年三月督撫會奏略云東三省鹽務向係就灘徵課吉黑兩省食鹽皆由奉灘運往一稅之後任其所之自甲午以後俄國東清鐵道接軌吉省於是俄屬鹽勛由海參崴歲運入五站行銷吉省東北琿春延吉甯古塔阿什河哈爾濱各屬每年自五六千石漸至三四萬石及日俄戰後旅順金州各鹽灘皆爲日占日人廣闢鹽灘所出鹽勛由南滿鐵道運入吉省倒壅長春伊通磐石雙城五常各屬爲數尤鉅自是吉林全省居民大半購食洋鹽奉省鹽課日形減色前奉天將軍趙爾巽奏請設立東三省鹽務總局並議興辦官運以爲抵制外鹽恢復課額之策以造端闕大未及舉行臣世昌到任後以鹽政爲餉源所在奏派四品京堂陸宗輿爲三省鹽務督辦設立局所整別鹽灘積弊一面籌畫官運挽回利權先從吉江兩省試辦以立基礎而覘成效吉林一省官運委吉林度支使陳玉麟督

辦設提調一員襄贊局務計自光緒三十四年三月間擬定章程七月卽行開運劃分吉林府及長農伊磐濛樺五常敦化雙城新榆賓長濱江甯古塔琿延各岸將運到官鹽招商認岸先後開秤試銷並設立吉林官運總局長春總倉吉林省倉暨各岸分局緝私局爲運銷機關於營口設立採運局爲採運灘鹽樞紐此吉省官運開創之情形也查未辦官運以前日俄兩國私鹽運屯鐵道附屬地界鹽課鹽捐皆不繳納吉省奸商知有鐵道界限華官交涉爲私難運華鹽亦爭趨鐵道希圖影射民車冬令運糧赴營口新民屯一帶售賣者以鹽運之利盡歸鐵道強半空載而返影響所及國課民生兩受其病自官運定議後經臣等札飭綏芬稅關先行禁止歲鹽非有三省督撫及官運局專照不得運入吉界而俄屬來鹽自此絕迹至南滿州鐵道私鹽亦經官運局派員隨同東三省鹽務總局與南滿鐵道公司訂立專運合同每年官鹽以一半歸該鐵道裝載除官鹽外日鹽及華商私鹽均不得再入吉界運金減去十分之一鐵道界內奉吉兩省緝私人員得執行其職務於是吉省鹽岸始完全而無缺此吉林官運交涉之情形也當私鹽冲灌之時吉民所食半係無課私鹽其各村屯購存未食者不下數十萬石官運開辦之始舊存私鹽若一律禁止售食恐鄉愚無知轉多缺望因遴選委員分道稽查除居民屯積自食者從寬免究外凡商鋪存積待價未售者酌量補徵鹽課爲開辦官運之資本並與東三省鹽務總局會訂章程每年由吉省認銷官鹽二十萬石應繳鹽課由吉省分季解繳東三省總局核收其餘所得公利等項留爲吉省辦理新政之需而奉省原派駐吉之補徵緝私等局改歸吉省管轄除官運鹽勛外奉省民鹽不得再冲入吉界此奉吉兩省分劃界岸辦理之情形也奉省

沿海各灘售鹽向以正鹽六百觔例耗四十觔爲一石吉省官運鹽觔長途盤運倉厥儲積均有銷耗每石除例耗外另給加耗八十觔經臣世昌於兩次覆陳東省鹽務情形摺內奏明在案吉省官運定章如鹵耗不及八十觔所餘之鹽一併歸公收發鹽觔悉用東三省鹽務總局所頒官秤公平交易核定鹽價係科合課釐運本灘價及辦公緝私等費分次分岸辦理比照舊鹽價值較廉民間爭相購食此官鹽出入本利會計之情形也吉省運鹽故道向以邊車河船爲最多自汽車通行後水道淤塞食鹽自遼河運道江口登岸入吉夏秋水稍涸運船阻滯經月不達已久視爲迂途邊車冬令由吉運糧赴營口新民屯售賣者回車向載食鹽近歲車額自五千輛減至二千餘輛亦爲汽車攙奪所致官運開辦後冬令由營口採運局招僱民車發給腳價飭運官鹽俾不致空載而返邊車生計藉以不絕至鹽觔運至長春一律收入總倉轉運各岸或僱民車或附汽車每屆月終各岸收發鹽觔及收支欸目一律呈報總局每季由總局結算一次以驗盈虧各岸鹽觔招商承銷先飭酌繳押岸銀兩遇有勒價病民之事卽以岸銀充公示罰岸商領鹽以後分招子店照局定商銷章程出售願購與否聽民自便毫無派銷勒售等弊近以官價不昂故民間雖有存鹽而銷路仍形踴躍此又官運商銷之情形也第鹽歸官運爲吉省商民素未經見之事是以開辦之始招商則觀望不前設局則鄉愚疑懼及辦理數月鹽價公平外私絕迹而各屬奸販向以轉運洋鹽起家者一旦歇業不得不以全力相抵拒本地劣紳見承充岸商有利無害又復羣起攘奪百計阻撓甚至勾引外人出頭干預串通商會藉口要求唆惑匪徒聚衆搶掠狡黠之情瞬息萬變加以愚民未諳鹽法載運私鹽視爲習慣創始之

際既未便按例嚴懲又不能聽其自便勸導應付幾窮於術臣昭常到任後深知
吉省官運實爲內裕 國課外保利權之要素內地如四川福建官運既行之數

十年裨益課稅商民相安成效最著因督飭該督辦提調等任怨任勞始終堅持
經營不懈綜計吉省官運自光緒三十四年七月開運九月開秤起截至宣統元

年閏二月底止共計運銷課鹽六千八百餘萬斤除解繳奉省鹽課十三萬五千
兩開除吉省原有鹽捐暨成本運費局用外淨得各項贏餘按照吉省官價銀核

算約共五十餘萬兩留爲吉省新設司道各官養廉公費及預籌添練陸軍一鎮
之用現在各岸銷場次第成立外私運入鐵道界內者亦疊次照約緝獲充公交

涉尙稱妥協局用運費一切方求撙節成本均歸核實官運商銷各項章程經數
次更訂增加諸臻完密官鹽價廉色淨居民爭相購食並無阻礙成效已著自應

將一切辦理章程具奏籲懇 天恩准予飭部立案以期久遠等因並附片請
將辦理官運提調前福建候補知府張弧開復原官並免繳捐復銀兩仍留東三

省差遣委用均奉 旨照准是年底除開銷一切並解司道各官養廉外實長
餘吉錢三百萬吊有奇二年度支部澤公爲督辦鹽政大臣而各省督撫俱爲會

辦吉省官運局由督憲委前山西藩司浙中吳方伯匡爲總辦直隸候補道江右
張觀察祖笏爲會辦夏季稟呈官運民銷並續擬規則文奉督撫憲批開稟暨規

則均悉查吉省鹽務前定官運商銷辦法原爲便民裕課起見若劃分岸界壟斷
居奇甚至抬價短秤攪和沙土是以便民之心轉爲虐民之政卽此數端已足見

商銷一層本非經久之道茲擬撤退總商發還押岸銀兩改爲官運民銷意在化
除岸界藉利銷行物窮則變此其時矣所擬規則各條亦均妥協應准照辦惟民

販雖與商銷有間然私利所叢即難保無舞弊情事原章僅於第一章第九條略示查罰辦法未足以杜奸狡應將民販價秤兩項暨他項情弊各節另訂民販通守專章並撰行白話告示徧貼城鄉俾衆咸曉官運爲營業性質食鹽爲民用所需非處處從便民二字着想利之所在害即隨之該局當能深喻此意也附錄規則於後計開變通辦法第一條此次重訂章程以便民暢銷別弊裕課爲宗旨第二條裁撤各屬分銷局屏除官派完全營業性質第三條撤退總商發還押岸銀兩以銷壟斷居奇之弊第四條改爲民銷合全省繁庶地方及道路窳遠山林荒僻之區參酌支配增設分倉儲鹽俾便就近購領第五條城鄉集鎮大小鋪戶以及鄉僻小民皆准按照官倉定價備價領銷不收押岸銀兩但售整袋不賣零觔並發給分銷執照以備稽查而杜影射第六條化除本省郡邑岸私舊禁凡屬吉境人民有就近在鄰倉購鹽食用者發給執照聽其所之不以越界誤買及販私論第七條開放舊禁係專爲便民自食以免遠道跋涉奔馳起見凡赴鄰倉購鹽只准一石爲度倘有奸商圖利詭托姓名多方購運囤積發賣一經落地被倉員及緝私卡調核執照並驗麻袋上四面印子查非由應領之倉所購者即行將鹽全數充公外仍加倍罰懲第八條現在撤總商弛禁令分倉儲鹽官運民銷原爲便民起見各地方官暨各本地商會均有輔助疏銷之責幫同調查招徠毋得推諉各委員亦宜遇事諮詢不得挾持私見第九條分銷鋪戶如有抬價短秤攙和沙土情事查出即將該店封閉並送交地方官罰辦官本民利第一條吉省現辦官運每石重六百斤又加正耗八十斤公餘二十斤鹵耗二十斤共七百二十斤除各項耗鹽不加鹽課外每石應收奉省鹽課洋四元六角吉省鹽釐洋一元二

角公費洋一元又每石攤收緝私費六角八分凡此皆額定成本此外灘價運費繩袋斗用搬力仍臨時核併以定轉發民銷之鹽價第二條發商舊章每百斤准加收洋三角名曰商利此次改歸民銷亦准民販每百斤加收食戶二角減收一角改名民利以示區別員司巡役不得藉端向民販需索規費干究第三條發鹽銷售脚力歸民販自備但須仍照發商舊章每百斤每百里加收食戶洋二角五分計算此外不准多加按是年冬月吳總辦出缺督撫會札以張觀察升總辦而以曹觀察廷杰爲會辦

